

Ro Mataana Kana Ta Paulus Ibeede Pizin Korin

1 ¹⁻²Nio Paulus. Anutu itunu leleene mi iboobo yo, mi iur yo ma anwe ngonana ki Yesu Krisi. Niamru gaabanon Sostenes ambeede ro tingi ima piom wal ki kar Korin ta kombot lela lupjana ki Anutu na. Niom wal ta kesekap la ki Yesu Krisi na, ni ikam yom ma kewe Anutu wal kini potomjan kek. Mi Anutu iboobo yom be kewe ni lene kat mibe kakam mbulu potomjana. Mi niom men som. Niomjan karkari boozomen ta tizunzun pa Merere kiti Yesu Krisi na. Pa Yesu Krisi, ni Biibi kizin, mi Biibi kiti tomini.^a

³Tamanda Anutu mi Merere Yesu Krisi ko tikampe yom, mi timboro yom ma kombot ambai. Inono.

Paulus leleene ambai pa kampejana biibi ta ise kizin Korin

⁴Gorgori na, nio lelej ambai pa Anutu mi anpakurkuri piom. Pa Yesu Krisi iwe zaala piom ma kampejana biibi ki Anutu ise tiom. ⁵Niom kesekap la ki Krisi, tanata Anutu ikam yom ma karao kat pa koron matakina. Ingar ma sua ma.^b ⁶Mi ina iswe kembei: Uruunu ambaijana ki Krisi ta mungu amsoyara piom, ina kakam ma imbol piom kek. ⁷Tana ingi kombotmbot mi kazza Anutu be iswe Merere kiti Yesu Krisi ma ipet mat, mi ni ipombolmbol yom be kakam uraata matakina boozomen ta ki Bubuana i.^c ⁸⁻⁹Mi Anutu itunu ko ipombolmbol yom ma kemender mboljana ma irao toono swoono. Naso nol ki Merere kiti Yesu Krisi iso ipet, tona leyom uunu sa isaana som. Pa Anutu ta iboobo yom ma niomjan Lutuunu Yesu Krisi kaparlup yom na, ni itoto sua kini. Tana iti irao tapase pini.^d

Zin Korin tiparyapaala zin

¹⁰⁻¹¹O niom tonmatizij tio, nio ansonbe anpombol yom pa Merere kiti Yesu Krisi zaana ta kembei: Kulup leleyom mi ngar tiom ma iwe tamen

^a 1:1-2 1Kor 6:11; 2Tim 1:9 ^b 1:5 1Kor 12:7+; 2Kor 8:7 ^c 1:7 Pil 3:20; 1Tes 1:10; Tit 2:13

^d 1:8-9 Pil 1:6; Kol 1:22; 1Tes 3:13, 5:23+; 1Pe 5:10; 1Kor 10:13; 1Yo 1:3

kat, mi koso sua raraate men. Kokena kaparyapaala yom. Pa Kloe wal kini pakan timar mi tisotaara yo piom ta kembei: Ŋŋŋi booŋo imbot la mazwoyom.^e ¹²Ŋŋgi aŋso pa mbulu tiom tau kaparyapaala yom ma kozzo ta kembei: “Niam ti amtoto ŋgar ki Paulus,” som “Niam amtoto ŋgar ki Apolos,” som “Niam amtoto ŋgar ki Petrus,” som “Niam ti amtoto Kriŋi.” Mbulu ta kembei irao yom makin.^f

¹³Lak, aŋso aŋwi yom. Kriŋi, tisupaali ma iwe pakan pakan? Som Paulus ikam muriyom, mi tipuni ma imeete sala ke pambaaraŋana piom? Som niom kakam yok pa Paulus zaana? ¹⁴Nio leleŋ ambai pa Anutu paso, aŋkam yok piom som. Malanto aŋkam pa Krispus mi Gaius men.^g ¹⁵Tana tomtom sa irao imender mi iso: “Nio ti aŋkam yok pa Paulus zaana,” na som. ¹⁶O ŋonoono, nio aŋkam yok pa Setepan mi wal kini tomini. Mi zin pakan na, motoŋ ŋŋgal mini som. Aŋkam yok pizin, o som.^h ¹⁷Pa Kriŋi, ni ŋŋgo yo ma aŋla be aŋkam yok pizin tomtom som. Ni ŋŋgo yo be aŋsoyaara uruunu ambaiŋana. Mi ni leleene be aŋkam sua mbuyeeneŋana kembei ta zin ŋgarŋan ki toono i tikamam na pepe. Pa sua ta kembena ko ikoto ke pambaaraŋana ki Kriŋi ma iwe kembei korŋ sorok.ⁱ

Meeteŋana ki Kriŋi iswe kat Anutu mburaana mi ŋgar kini

¹⁸Sua ta iso pa meeteŋana ki Kriŋi sala ke pambaaraŋana na, zin wal tabe tila len i tire kembei sua kankaanaŋana. Tamen iti ta Anutu ikamam uraata piti be ikamke iti na, tikilaala ta kembei: Meeteŋana kini ta iswe kat Anutu mburaana.^j ¹⁹Ka sua imbot pataaŋa kek ta kembei:

Wal ŋgarŋan na, Anutu ko itatke ŋgar kizin, mi ipasaana ma iwe korŋ sorok.

Zin wal ta len ŋgar biibi na, ni ko ikam ma ŋgar kizin iur ŋonoono som.^k

²⁰Tana wal ŋgarŋan, mi zin ta len ŋgar biibi pa tutu na, mi zin wal ta tizorzooro pa sua ma ŋgar pa mazwaana taŋgi na, ko toso parei pizin? Pa ŋgar ta tomtom toono kan tipakurkur na, Anutu iso iti pa ta kembei: Ina ŋgar kankaanaŋana kat.^l ²¹Anutu ŋgar kini biibi. Ni iute: Iti tomtom toono kanda na, ŋgar kiti irao ikam ti ma tuute i na som. Tanata ni iur zaala toro pizin wal urlaŋan be ikamke zin pa i. Mi sua ki Anutu ta amzzoyaryaara i, ta iso yom pa zaala tana. Zaala tana, wal toono kan tire kembei mbulu kankaanaŋana.^m ²²Pa zin Yuda tiso tire mos bibip to

^e 1:10-11 Ro 12:16; 2Kor 13:11; Pil 2:2, 3:16; 1Pe 3:8 ^f 1:12 Yo 1:42; Ŋgo 18:24+; 1Kor 3:4 ^g 1:14 Ŋgo 18:8; Ro 16:23 ^h 1:16 1Kor 16:15 ⁱ 1:17 1Kor 2:1+; Ga 1:15+; 2Pe 1:16 ^j 1:18 Ŋgo 17:18; Ro 1:16; 1Kor 2:14; 2Kor 4:3 ^k 1:19 Yesa 29:14 ^l 1:20 Yesa 19:12; Lu 10:21; Ro 1:22,28; 1Kor 3:18 ^m 1:21 Mt 11:25+

tiurla. Mi zin Grik na, tikam kinkiini be tikam ngar biibi.ⁿ 23 Tamen niam na, amzzoyaryaara sua pa meetejana ki Krisi sala ke pambaaranjana. Sua tana, sombe zin Yuda tileŋ, na tiurla som, mi lelen pa som kat. Mi so zin wal ta Yuda somŋan i tileŋ, na tire kembei ngar kankaananjana.^o 24 Tamen iti ta Anutu iboobo iti ma tewe lene na, iti Yuda, mi zin wal pakan tomini, iti tuute: Krisi ta iswe kat Anutu mburaana mi ngar kini biibi.^p 25 Pa ngar ki Anutu ta tomtom tire kembei ngar kankaananjana, ina ilip pa ngar kizin tomtom. Mi mbulu ki Anutu ta tomtom tire kembei mburaana som, ina ilip pa tomtom mburan.^q

26 O niom toŋmatiziŋ tio, kakam ngar pa ituyom. Niom wal ta Anutu iboobo yom ma kewe lene na, niom pareiŋoyom? Wal toono kan tire yom boozo kembei leyom ngar biibi? Som. Mi niom boozo mburoyom biibi som, mi zoyom biibi som.^r 27 Pa zin wal ta tomtom toono kan tire zin kembei wal kankaananjan, ta Anutu ipeikat zin ma tiwe lene, beken a ipamianŋ zin wal ngarŋan ki toono. Mi zin wal ta tomtom toono kan tire zin kembei mburan bibip som, ta Anutu ipeikat zin ma tiwe lene, beken a ipamianŋ zin wal tau mburan bibip i.^s 28-29 Mi zin wal ta tomtom toono kan tirepilpiili zin ma tiso zin sorrokŋan, ta Anutu ipeikat zin ma tiwe lene. Naso iswe zin wal zanŋan ki toono kembei zan tina koronŋ sorok, mi tomtom sa irao ipakur itunu ila Anutu kereene uunu som.^t

30 Anutu itunu, ta ikam yom ma kesekap la ki Yesu Krisi. Mi Yesu Krisi, ta iswe ngar biibi ki Anutu piti, mi ikam ti ma tewe ndeenjananda pa Anutu mataana, mi ipeyi mbulu potomjana piti, mi ikamke iti.^u 31 Tana toto sua ta tibeede se ro pataaŋa kek.

Tapakur koronŋ toro sa pepe. Tapakur Merere itutamen.^v

2 1 Niom toŋmatiziŋ tio, motoyom ingal. Indeenje ta nio aŋma mi aŋsoyaara sua ki Anutu piom na, aŋkam sua mbuyeenenjana kembei ta wal kwon suaŋan tikamam na som. Mi aŋzzo pa ngar bibip ta ki toono i na som. Aŋzzo katkat sua pa Anutu ngar kini biibi ta muŋgu ike mi ingi ipet mat kek.^w 2 Paso, indeenje ta aŋma ma aŋbotmbot la mazwoyom na, ngar tio imbol be aŋzzo men pa Yesu Krisi, mi meetejana kini sala ke pambaaranjana.^x 3 Mazwaana tana, motojana biibi ikam yo ma mburonŋ imap, mi aŋyamaana ituŋ kembei aŋrao som kat.^y 4 Tana indeenje ta aŋsoyaara uruunu ambaijana piom na, aŋzzo sua mbuyeenenjana kembei ta zin ngarŋan ki toono tikamam beken a tiyaryaaru zin tomtom na som. Mi Anutu Bubuŋana ta ikamam uraata mburaananjana piom, mi

ⁿ 1:22 Mk 8:11; Yo 4:48; Ŋgo 17:18,32 ^o 1:23 Yo 6:60+; Ŋgo 22:22; Ro 9:32; 1Kor 2:14

^p 1:24 Ro 1:16; Kol 2:3 ^q 1:25 2Kor 13:4 ^r 1:26 Lu 16:15; Yo 7:48; Yems 2:1+

^s 1:27 Mt 11:25; Yems 2:5 ^t 1:28-29 Ro 3:27; Ep 2:9 ^u 1:30 Yo 17:19; Ro 4:25; 2Kor 5:21

^v 1:31 Yer 9:23+; 2Kor 10:17 ^w 2:1 1Kor 1:17 ^x 2:2 Ga 6:14; Pil 3:8 ^y 2:3 Ŋgo 18:9; 2Kor 10:1,10, 11:30

ipombolmbol sua tio.^z ⁵Tana urlaŋana tiom imendernder se tomtom ŋgar kizin som. Imendernder se Anutu itunu mburaana.^a

Bela Anutu Bubunana ikam peeze piti, to takam kat ŋgar

⁶⁻⁷Mi zin wal ta tikam ŋgar ki Anutu ma imbol pizin na, amzzo zin pa ŋgar kini biibi ta mungu ike mi iŋgi ipet mat kek. Ŋgar tana, indeeŋe toono ipet zen na, Anutu leleene iur pa, bekena ikam ti ma tombot raami lela azuŋka kini leleene. Mi ŋgar tana ipa ndel kat pa ŋgar ta tomtom tipakurkur pa mazwaana tainggi, mi ŋgar kizin bibip ki toono tabe tila len i.^b ⁸Zin bibip tana, kizin tasa ikilaala Anutu ŋgar kini som. Mi be tikilaala, so tipun Merere kiti ta azuŋka katuunu i sala ke pambaaraŋana som.^c ⁹Ŋgar ta amzzo pa i na, tibeede ka sua mungu kek ta kembei:

Koroŋ ta Anutu iparaŋraŋ pizin wal tau tiur lenen pini na, mungu tomtom tire som, tileŋ som, mi tikam ŋgar pa som.^d

¹⁰Mi niam na, Anutu ikam Bubunana piam, mi Bubunana tana iswe koroŋ tana piam kek. Pa Bubunana, ni irre koroŋ ta boozomen. Anutu ŋgar kini turkeŋana kat tomini, Bubunana iute.^e ¹¹Kere. Asin iute tomtom toro leleene ma imap? Som. Ni itutamen ta iute kat leleene. Mi ina raraate pa Anutu. Bubunana men, ta iute Anutu leleene ma imap.^f ¹²Niam tainggi amkam ŋgar ki toono som. Amkam ŋgar ki Bubunana ta imar pa Anutu na. Mi Bubunana tana, ta ipaute yam pa koroŋ ambaimbaiŋan ta Anutu ipomoozo iti pa kek na.^g ¹³Mi iŋgi amzzo pa koroŋ ta tana. Tana sua ta amzzo i, imar pa tomtom ŋgar kizin som. Ina, Bubunana Potomŋana ta ipaute yam pa. Mi gorgori ta amwesweeze sua ta imar pa Bubunana na, amtoto peeze ki Bubunana.^{h i}

¹⁴Tomtom ta sombe ŋgar ki toono ikamam peeze pini na, ni irao be ikam ŋgar pa koroŋ ta ki Anutu Bubunana i na som. Ni ire koroŋ tana kembei koroŋ kankaanaŋana. Pa bela Bubunana ipei ŋgar piti, to takam kat ŋgar pa koroŋ ta ki Bubunana i. Uunu tina ta tomtom toono kan, ŋgar kizin irao ipet pa koroŋ ta ki Bubunana i na som.^j ¹⁵Mi tomtom ta sombe Bubunana ikamam peeze pini, na ni irao be ikilaala koroŋ ta boozomen. Ingoi ta ambaiŋana, mi ingoi ta sananŋana. Tomtom ta kembena na, wal ta tikamam ŋgar ki toono na, irao tiyo kwon pini na som.^k ¹⁶Pa zin wal ta tikamam ŋgar ki toono na,

^z 2:4 2Pe 1:16 ^a 2:5 1Kor 4:20; 2Kor 4:7, 6:7; 1Tes 1:5 ^b 2:6-7 Ro 16:25+; 1Kor 1:28; Ep 3:5,9; Kol 1:26; Pil 3:15; Ibr 5:14 ^c 2:8 Lu 23:34; Yo 16:3; Ŋgo 13:27;

2Kor 3:14 ^d 2:9 Yesa 64:4; Yer 3:16 ^e 2:10 Mt 13:11; Yo 16:13; 1Yo 2:27

^f 2:11 Ro 11:33+ ^g 2:12 Ro 8:9 ^h 2:13 Zaala toro ta tarao be totooro sua suruunu ti na, ta kembei: "Mi zin wal tau tikam ŋgar ta ki Bubunana i na, amwesweeze sua ŋonoono ta imar pa Bubunana na pizin." ⁱ 2:13 1Kor 1:17, 2:4; 2Pe 1:16 ^j 2:14 Yo 6:44, 14:17; Ro 8:5+; 1Kor 1:18,23 ^k 2:15 1Tes 5:21; 1Yo 2:20, 5:20

Kizin asij ta iute kat ngar ki Merere, som irao be ipaute i pa koron pakan? Som.

Mi niam na, ngar ki Kisi ta ikamam peeze piam.¹

**Mbulu kizin Korin iswe zin kembei lenen
munḡuḡana ikamam peeze pizin men**

3 ¹O niom toḡmatizij tio, munḡu nio irao anḡkam sua piom kembei ta anḡkamam pizin wal tau Bubunana ikamam peeze pizin i na som. Pa mazwaana tana, niom kakam kat ngar pa mbulu ki Kisi zen. Ngar tiom kembei ta zin pikin. Pa leleyom munḡuḡana ta ikamam peeze piom.^m ²Tanata nio anḡkam kini mbolḡana piom som. Anḡkam tui men. Pa mazwaana tana, niom karao pa kini mbolḡana zen. Mi koozi na, raraate men. Karao zen.ⁿ ³Pa leleyom munḡuḡana ta ikamam peeze piom men. Kere mbulu ta kakamam i. Ngari imbotmbot la mazwoyom, kakamam kaisiigi pa ituyom ngar tiom, mi kakamam be kokoto waeyom bizin. Mbulu tiom tana iswe yom kembei leleyom munḡuḡana ta ikamam peeze piom men. Niom kapa pai tiom kembei zin wal ta titoto ngar ki toono na.^o ⁴Pa sombe kaparyapaala yom, mi tomtom tiom pakan tiso: “Niam amtoto ngar ki Paulus,” mi pakan tiso: “Niam amtoto ngar ki Apolos,” na mbulu tiom tana iswe yom kembei kototo ngar ki toono men.

**Zin wal ta tikamam uraata ki Merere na, zin
ta boozomen mbesooḡo kini men**

⁵Apolos, ni asij? Mi Paulus, ni asij? Niamru ingi mbesooḡo men ta amwe zaala piom ma kuurla ki Kisi i. Mi Merere, ni iur leyam uraata ndelndelḡa. Uraata tana, ta amkamam i. ⁶Nio ta anḡpaaza kini. Mi Apolos, ni mataana pa, mi ipun ro pa. Mi Anutu ta ikam ma kini ise. ⁷Tana tomtom ta iwaswaaza kini na, ni zaana biibi som. Mi tomtom ta mataana pa na, ni tomini zaana biibi som. Anutu itutamen ta zaana biibi. Pa ni ta ikamam ma kini izze. ⁸Tana tomtom ta iwaswaaza kini, mi ni ta mataana pa na, ziru raraate men. Mi kaimer Anutu ko ikam len kadoono ma ikot uraata kizin kizin.^p ⁹Tana niamru amgabgaaba Anutu pa uraata kini. Mi lupḡana tiom ta iwe kembei mokleene ki Anutu mi kembei ta ruumu kini.^q

**Wal ta so tipombol lupḡana ki Kisi pa sua ki Anutu
na, zin kembei tipo ruumu pa Anutu**

¹⁰Nio kembei tomtom ta ni le ngar biibi pa ruumu poḡana. Pa uraata ta munḡu anḡkam la mazwoyom, ina kembei ta anḡpaaza kitiimbi pa ruumu

¹ 2:16 Ro 11:34 ^m 3:1 Ep 4:13+ ⁿ 3:2 Ibr 5:12+; 1Pe 2:2 ^o 3:3 1Kor 1:10+, 11:18; Ga 5:19+; Yems 3:16 ^p 3:8 Nggo 18:1+, 19:1; 1Kor 4:15; 2Kor 3:3+; Ga 6:3; 2Yo 8

^q 3:9 Mt 13:3+; 2Kor 6:1; Ep 2:20+; Ibr 3:3+

ki Anutu. Uraata tana, Anutu itunu ta ikampe yo mi ikam lej ngar pa. To tomtom toro imar ito yo, mi ingi iseenge uraata pa, mi iwwo ma izalla. Niam wal ta amkamam uraata na, niam tataŋa bela motoyam ingal uraata tiam tiam mi ampo kat.^r ¹¹ Mi Yesu Kresi ta iwe kembei kitiimbi pa ruumu ki Anutu be imender se. Koronj toro sa irao na som. Kitiimbi tana, nio aŋpaaza kek.^s ¹² Wal uraata kan ta tiwwo ruumu ma izalla na, pakan tiwwo pa koronj ŋonoono kembei ta gol, silba, ma pat ndabokbokŋan. Mi pakan na, tiwwo pa koronj soroksorok kembei ta ke ma rie mi kooto. ¹³ Talala ma sombe nol biibi ipet raama you, mi Anutu itiiri zin tomtom pa mbulu kizin, tona uraata kizin tomtom ta boozomen kola ipet mat. Pa you^t ko itoombo uraata kizin mi iswe zin.^u ¹⁴ Tomtom ta so iwwo ruumu ki Anutu pa koronj ŋonoono, na you tana ko irao ikam kosa sa pa uraata kini som, mi ni ko ikam le kadoono ambaiŋana. ¹⁵ Mi sombe tomtom sa iwwo pa koronj soroksorok, na you tana ko ikan uraata kini ma imbirizi ma ila ne lup. Mi rimen ŋonoono mi ni itunu ila ne tomini. Tamen som. Ni ko imbot ambai, kembei tomtom ta you ikanan ruumu kini, mi namaana men, mi iko ma ipet mat.

¹⁶ Niom kuute som? Lupŋana tiom ta iwe kembei Anutu urum kini. Mi Anutu Bubunana imbotmbot la mazwoyom.^v ¹⁷ Tana kere. Sombe tomtom sa ipasaana urum kini tana, na ni tomini, Anutu ko ipasaani. Pa urum kini na, koronj kini potomŋana. Mi lupŋana tiom ta iwe kembei urum kini.

Iti tapase pizin tomtom mi nindi ise pizin pepe

¹⁸ Kere. Kokena kapakaam ituyom. Sombe tomtom tiom sa ikam ngar pa itunu kembei ni irao kat pa ngar ta tomtom tipakurkur pa mazwaana ta taiŋgi, na bela ipizil ndemeene pa ngar tana, mi ikoto itunu ma iwe kembei tomtom kankaanaŋana. Naso ni irao ikam ngar ŋonoono ta ki Anutu i.^w ¹⁹ Pa ngar ta tomtom toono kan tipakurkur, ina Anutu ire kembei ngar kankaanaŋana. Ka sua tibeede pataaŋa kek:

Zin ngarŋan ki toono na, ngar kizin tana ko iwe kembei ta kilis pizin be Anutu ikeene zin pa.^x

²⁰ Mi sua lwoono toro iso ta kembei:

Merere, ni iute: Wal ngarŋan ki toono na, ngar kizin ŋono somŋana.^y

²¹ Tana tapase pizin tomtom mi nindi se pizin pepe. Pa koronj ta boozomen, ina timbot be iuulu yom. ²² Paulus, Apolos, Petrus, toono ti,

^r 3:10 Ro 15:20; 1Kor 4:15, 15:10; 2Pe 3:15 ^s 3:11 2Kor 11:4; Ep 2:20; 1Pe 2:4+ ^t 3:13 You ti, ina sua toorŋana pa tiiriŋana biibi tabe ipet pa mbenj kaimer. ^u 3:13 1Kor 4:5

^v 3:16 1Kor 6:19; 2Kor 6:16; Ep 2:21+; 1Br 3:6; 1Pe 2:5 ^w 3:18 Ga 6:3 ^x 3:19 Yop 5:13; 1Kor 1:20, 2:6 ^y 3:20 Mbo 94:11

mbotjana tiom, meetejana, koronj ta timbot ta buri, mi koronj tabe tipet pa kaimeri i tomini. Koronj ta boozomen tana, ina niom tiom men. ²³ Mi niom ta boozomen ki Kriisi. Mi Kriisi, ni ki Anutu.^z

Anutu itunu ko itiiri zin mbesoonjo kini

4 ¹ Tana tomtom irao tikam ngar piam ta kembei: Niam ingi mbesoonjo ki Kriisi. Mi Anutu indemeere yam, mi iur sua kini imar nomoyam be amboro. Sua tana, mungu ike. Mi ingi Anutu iswe ma imbot mat kek.^a ² Mbesoonjo ta so biibi kini indemeeri mi iur uraata ila namaana, na ni bela mata sijsij pa uraata tana mi ikam kat. To biibi kini leleene ambai pa uraata kini.^b ³ Mi nio na, sombe niom, som tomtom pakan kere yo kembei nio ambaijonj, som sananjonj, na anjam ngar biibi pa koronj ta kembena som. Mi itunj ta kembena. Irao anjo nio ambaijonj, som sananjonj na som. ⁴ Jonoono, anyamaana itunj kembei anjam joobo mbulu sa som. Tamen irao andemeere sorok mi anjo mbulu tio ta boozomen indeeje men pa Anutu mataana na som. Anjbot mi anzza Merere itunu be itiiri yo. Tona anjute kat. Anjam ambai, som anjam ambai som.^c ⁵ Tana niom ta kembena. Irao loja kitiiri zin tomtom mi koso zin sanangan, som ambaijan na pepe. Kombot mi kazza nol ki Merere. Pa ni isombe imiili ma imar, tona iswe koronj ta tike lela zugut leleene na, ramaki ngar boozomen ta imbot la tomtom lelen na, ma ipet mat. Tona Anutu ko ipakur ti ikot mbulu kiti kiti.^d

Mbulu ki ngonjana ngonoono ki Kriisi

⁶ O niom tonmatizij tio, sua boozomen tana, nio anjo se ki itunj mi Apolos bekana anjuulu ngar tiom. Pa mbulu tiam, ina iwe kin ambaijana piom. Kokena niom ta kototo tomtom ta na, kapakur yom mi koso kilip pa waeyom bizin ta titoto tomtom toro. Pa mbulu ta kembei, ina imolo sua ta tibeede pataaja kek.^e ⁷ Lak, nu tina, asij iuru ma lip pa waem bizin pakan? Mi parei, koronj ku sa imar pa itum mburom, som ngar ku? Som. Koronj ku ta boozomen imar pa kamejana ki Anutu men. Zaala toro sa som. Nakena uunu parei ta nim se mi pakur itum?^f

⁸ Aiss, niom tina na, karao kat pa koronj ta boozomen! Pa kozzo ta kembei: Leyom koronj boozo ma karao kat. Mi kilip piam ma kewe king kek.^g Mi niam, na ra zeen. Kozobe sua tiom tana ngonoono, so ndabok! To itijan tewe king mi takamam peeze. Mi som.^h

^z 3:23 Ro 14:8; 1Kor 11:3; 2Kor 10:7 ^a 4:1 1Kor 3:5; 2Kor 6:4; 1Pe 4:10 ^b 4:2 Lu 12:42

^c 4:4 Mbo 143:2; Ijo 23:1; Ro 2:13 ^d 4:5 Ro 2:1,16,29; 1Kor 3:8; 2Kor 5:10; Tur 20:12

^e 4:6 Ro 12:3 ^f 4:7 Yo 3:27; Ro 12:6; Yems 1:17; 1Pe 4:10 ^g 4:8 Sua ki Merere iso ta kembei: Somba Mesia imar raama mburaana pa mbej kaimeri, tona zijan wal kini ko tikam peeze pa koronj ta boozomen. Zin Korin tikam ngar joobo ma tiso mbulu tana ipet pizin kek. ^h 4:8 Tur 3:17+

⁹Pa nio aŋre kembei Anutu iur yam ŋgoŋana ki Kriŋi ma amkemmer kat. Niam kembei wal sananŋan ta tiur sua be timeete ila iwal biibi matan bekana zin tire len. Mi zin wal ta tirre yam na, tomtom men som. Zin aŋela tomini.ⁱ ¹⁰Niam ambesmbeeze pa Kriŋi, mi tomtom tire yam kembei kankaanaŋoyam kat. Mi niom na, koso karao kat pa ŋgar ki Kriŋi! Niam na, mburoyam biibi som. Mi niom na, mburoyom biibi kat. Niom na, tomtom tipakurkur yom. Mi niam na, tirepilpiili yam. Niom tina karao kat!^j ¹¹Ta mungu mi imar indeeŋe koozi na, niam ambotmbot raama petel yam mi miri yam. Mi amzebbeebe yam pa mburu mararaazaŋan, mi tipunun yam sorok. Mi gorgori amwwa men, tana leyam muriyam sa tabe ambot pa i na som.^k ¹²Ambelmbel uraata pa nomoyam. Sombe tomtom tipiri sua sananŋana piam, na amsuŋ Anutu be ikampe zin. Mi sombe tiseeze motoyam pa Kriŋi zaana, na amender mbolŋana mi ambaada men.^l ¹³Sombe tiŋgal sua piam, na ampimiili pa sua ambaŋana. Tana ta mungu mi imar na, niam kembei musmuuzu ki toono. Pa tomtom tirepilpiili yam ma tire yam kembei sorrokŋoyam kat.

Paulus leleene be zin Korin tito i pa mbulu kini

¹⁴Sua tana, nio aŋbeede piom bekana aŋpamianŋ yom pa i na som. Nio leleŋ piom, mi aŋre yom kembei lutuŋ bizin niom. Tanata iŋgi aŋpazal yom. ¹⁵Pa sombe niom leyom tomtom piizi sa ta tipaute yom pa Kriŋi, na tomoyom boozi som. Tomoyom tamen ta nio i. Pa indeeŋe ta aŋkam uruunu ambaŋana piom, mi kuurla ma kewe Yesu Kriŋi lene na, aŋwe kembei tomoyom.^m ¹⁶Tana aŋso aŋpombol yom be koto mbulu tio.ⁿ ¹⁷Uunu tina ta aŋgo Timoti ma ima. Ni na, nio leleŋ pini ilip, mi aŋdemeere kati. Pa Merere ilup yam ma aŋre i kembei lutuŋ ŋonoono. Ni ko ipei ŋgar tiom pa mbulu tabe wal ki Kriŋi tito. Mbulu tana, nio ituŋ aŋkamam, mi aŋpaute lupŋana ki Kriŋi pa irao lele ta boozomen.^o

¹⁸Nio aŋute: Tomtom tiom pakan tikam ŋgar kembei nio ko irao aŋma aŋre yom mini som. Tanata tipakurkur zitun mi tikamam zoroŋana biibi. ¹⁹Tamen sombe Merere leleene pa, inako molo som to aŋma. Tona aŋre zin wal ta tipakurkur zitun mi tizorzooro na, mi aŋute kat zin. Tizzo sua men, som tikam Bubunana mburaana tomini?^p ²⁰Pa wal ta timbot lela peeze ki Anutu na, tizzo sua pa kwon men som. Tizzwe Bubunana mburaana ramaki.^q ²¹Tana parei? Niom leleyom pa so mbulu i? Ko aŋma raama teene be aŋbalis yom pa, som aŋma raama sua luumuŋana mi mbulu ki lelende par piti?

ⁱ 4:9 Ro 8:36; 1Kor 15:30+; 2Kor 6:9; Ibr 10:33 ^j 4:10 ŋgo 26:24; 1Kor 2:3; 2Kor 13:9

^k 4:11 ŋgo 23:2; Ro 8:35; 2Kor 11:23+ ^l 4:12 Mbo 109:28; Mt 5:44; ŋgo 18:3+; Ro 12:14

^m 4:15 ŋgo 18:11; Ga 4:19 ⁿ 4:16 1Kor 11:1; Pil 3:17; 1Tes 1:6; 2Tes 3:9 ^o 4:17 ŋgo 19:22; Pil 2:19+ ^p 4:19 1Kor 16:5; 2Kor 1:15 ^q 4:20 1Kor 2:4+; 1Tes 1:5

Zin Korin bela tiziiri tomtom sananɣana pa lupɣana kizin

5 ¹Ayo, ɲɲgi be aɲpazal yom pa mbulu pakan ta kakamam i. Nio aɲlen uruyom kembei kakamam mbulu kizin me ma ɲge. Mi tomtom tiom ta, ni ikam tamaana waene popoɲana mi ziru tiwwa. Mbulu ta kembei na, ambai som kat. Kere. Zin wal ta tiute Anutu som na, tasa irao ikam mbulu ta kembei? Som.^r ²Nakena kapakur yom mi koso niom karao kat pa mbulu ki Anutu be parei? Sombe niom kakam kat ɲgar, so leleyom ipata kat mi kataɲ pa mbulu tana, mi kiziiri tomtom tana ma imbot mat pa lupɣana tiom kek. Mi ɲɲgi som. ³⁻⁵Ʋonoono, mazwaana ti, nio itigan tomtotmbot som. Tamen ɲgar tio na, imbotmbot raama yom ma kembei ta itigan tomtotmbot. Tomtom ta ikam mbulu tana na, nio aɲkam ɲgar kek pa kadoono tabe ise kini i. Tana nio aɲso piom pa Merere kiti Yesu Kisi zaana ta kembei: Niom sombe kulup yom, mi sombe Merere kiti Yesu mburaana imbotmbot raama yom, mi Bubuɲana ilup ti ma kembei nio aɲbot raama yom tomini, tona kiziiri tomtom tana pa lupɣana tiom ma imbot mat, bekana iyamaana kat peeze ki Sadan. Naso ɲgar kini ipet mi izem ɲgar kini muɲɲuɲana ma imborene. Mi sombe nol ki Merere Yesu ipet, na ni ko imbot ambai.^s

⁶Mbulu tiom ta kapakurkur yom ma koso karao kat pa mbulu ki Anutu, ina ambai som. Niom kuute som? Yis musaari, ina irao ikam uraata pa palawa biibi.^t ⁷Mbulu sananɣana ki tomtom tana, ina kembei ta yis muɲɲuɲana. Tana kigiibi ma ila ne. Naso lupɣana tiom iwe kembei narabu popoɲana ta ka yis somɲana i.^u Ʋonoono, niom kewe popoɲoyom kek. Pa Kisi, tipuni ma imeete kek. Ni patoronɲana kiti, kembei sipsip ta tipunun zin pa Pasoba na.^v ⁸Tana iti irao takam Pasoba ka mbulu pa mazwaana ta boozomen, mi menmeen ti, tapakurkur Merere, takamam mbulu ɲgeezɲana, mi tototo sua ɲonoono. Mi ɲgar sananɣana ramaki ka mbulu ta boozomen na, kipiri ma ila ne lup, kembei ta yis muɲɲuɲana. Imbot raama yom mini pepe. Naso kewe kembei narabu ta ka yis somɲana i.^w

⁹Muɲgu nio aɲbeede ro piom mi aɲso piom ta kembei: Zin wal tau tikamam mbulu kizin me ma ɲge na, kombot molo pizin.^x ¹⁰⁻¹¹Sua tana, nio aɲso pizin iwal biibi ta timbotmbot toono mi tikamam mbulu tana na som. Aɲso pizin wal urlaɲan men ta tikamam mbulu tana. Pa sombe leleyom be kombot molo pizin wal matan muɲɲan ta tikamam mbulu kizin me ma ɲge, som matan koronɲan, som tiwatkewe len koronɲ kizin

^r 5:1 Lo 27:20; Ep 5:3 ^s 5:3-5 Mt 18:18+; Kol 2:5; 1Tim 1:20; 1Pe 4:6 ^t 5:6 Mt 16:6+; Ga 5:9; Yems 4:16 ^u 5:7 Narabu ta ka yis somɲana i, ina iwe kin pa mbulu ambaiɲana kizin wal ki Kisi. Mi yis na, iwe kin pa wal sananɲan mi mbulu kizin. ^v 5:7 Kam 12:3-21; Yo 1:29; 1Pe 1:19 ^w 5:8 Kam 12:18 ^x 5:9 2Kor 6:14; Ep 5:11; 2Tes 3:14

wal pakan, som timbesmbeeze pizin merere pakaamŋan, na niom bela kezem kat toono ti! Tana sombe tomtom sa iso ni toŋmatiziŋ ki Kriŋi, mi tamen ikamam mbulu kizin me ma ŋge, som mataana koronŋana, som imbesmbeeze pizin merere pakaamŋan, som igibgiibi sua sananŋana pizin tomtom, som iwinin ma zaza, som iwatkewe len koronŋ kizin wal pakan, na tomtom ta kembena, niom kombot molo pini. Mi kini kanŋana tomini, kagaabi pa pepe.^y

¹² Zin wal ta timbot lela lupŋana ki Kriŋi som na, iti lende uraata be titiiri zin pa mbulu kizin na som. Tamen zin wal ta timbot lela lupŋana ki Kriŋi na, niom bela kitiiri zin pa mbulu kizin mi kapazal zin. ¹³ Mi zin wal ta timbot lela lupŋana ki Kriŋi som na, Anutu itunu ko itiiri zin mi iso zin ambaiŋan, som sananŋan.

Tana kakam kembei ta sua ki Merere iso na:

Tomtom sananŋana sa isombe imbot la mazwoyom, na kiziiri i ma imbot mat.^z

Zin wal urlaŋan irao tiparpamender zin ila zin bibip ki toono matan pepe

6 ¹ Niom sombe ŋonŋi imbot la mazwoyom, na parei ta leleyom be kuur sua tiom ila Anutu wal kini naman be tiurpe som? Kere. Niom kaparpamendernder yom ila zin bibip ki toono ta tiute Anutu som na matan. Mbulu tiom tana, koyom miaŋ pa som? ² Niom kuute som? Indeeŋe mbeŋ kaimer ma Anutu isombe itiiri zin tomtom toono kan na, wal kini potonŋan ko tigaabi pa uraata tana. Mi so kembena, na parei ta karao be kuurpe pataŋana munmun ta timbot la mazwoyom ta buri i som?^a ³ Niom kuute som? Iti ko titiiri zin aŋela. Tana iti irao tuurpe pataŋana ta ki toono ti tomini.^b ⁴ Aŋso mini. Sombe pataŋana sa imbot la mazwoyom, na parei ta ku'urur ila zin bibip ki toono naman be tiurpe? Zin zan be timboro lupŋana ki Kriŋi? ⁵ Koyom miaŋ som? Parei, tomtom tiom tasa le ŋgar irao be iurpe zin toŋmatiziŋ ki Kriŋi sua kizin som? ⁶⁻⁷ Tamen niom kototo zaala ta kembei som. Ingi kapamendernder waeyom bizin ta ki Kriŋi i ila zin bibip ki toono ta tiurla som na keren uunu. Kere. Mbulu tana ambai?

Mbulu tiom tana iswe yom kembei kotop pa mbulu ki Kriŋi kek. Sombe tomtom tikam ŋoobo yom, som tikem koronŋ tiom, na toŋgo pa. Tikam lak! Niom irao kumuŋai zin.^c ⁸ Tamen niom kakamam ta kembei som, mi ituyom kakamam ŋoobo zin tomtom, mi kekemem koronŋ kizin. Mi mbulu tana, kakamam pa toŋmatiziŋ tiom ta ki Kriŋi i!

^y 5:10-11 Mt 18:17; Yo 17:15; Ro 16:17; 1Kor 10:27; 2Tes 3:6 ^z 5:13 Lo 13:5

^a 6:2 Mt 19:28; Tur 20:4 ^b 6:3 2Pe 2:4; Yud 6 ^c 6:6-7 Mt 5:39+; Lu 6:29; Ro 12:17+; 1Tes 5:15; 1Pe 3:9

⁹Niom kuute som? Zin wal ta so tikamam mbulu ndeejengana som, nako tirao be tilela Anutu kar kini som. Tana kapakaam ituyom pepe. Wal ta so tikamam mbulu kizin me ma nge, mi wal ta timbesmbeezee pizin merere pakaamjan, mi wal ta tipasaana ula, mi zin tomooto ta tiparbulmbuulu zin,^d ¹⁰mi wal kuumbujan, mi wal ta matan koronjan, mi wal ta tiwinin ma zaza, mi wal ta tigibgiibi sua sananjan pizin tomtom, mi wal ta tiwatkewe len koron kizin tomtom pakan na, wal boozomen ta kembei, kizin tasa ko irao be ilela Anutu kar kini na som. ¹¹Mungu tomtom tiom pakan tikamam mbulu ta kembei tomini. Tamen Yesu Kisi ndomoono piom, tanata Anutu kiti Bubujana mburaana ipus yom, mi ikam yom ma kewe wal kini potomjan, mi kewe ndeejengoyom pa mataana.^e

**Iti tewe kembei Urum Merere be Bubujana
Potomjana imbot lela. Tana tuurnol pepe**

¹²Wal pakan tizzo ta kembei: “Mbulu ta boozomen na, niam amrao be amkam. Ijgalseki sa som.” Ina ambai. Tamen mbulu ta boozomen iuluulu iti som. Mi tomini, nio lelej be anje mbesoonjo pa koron sananjan sa na som.^f

¹³Mi tomtom pakan tizzo ta kembei: “Mbulu ta so amkam pa kuliyaam, ina koron sorok ki toono men. Kembei kini, ina koron ki kopoyam. Mi kopoyom, ina imbot be kini izulla. Mi kaimer na, Anutu ko ikam koron ru tana ma tila len.” Ina nonoono. Tamen kulindi, ina imbot be ikam mbulu kizin me ma nge na som. Ina imbot be imbeezee pa Merere. Pa ina koron ki Merere.^g ¹⁴Kere. Mungu Anutu mburaana ipei Merere kiti ma imanga pa naala. Mi kaimer, ni ko ipei iti tomini ma tamanga kulindi munjana.^h

¹⁵Niom kuute som? Kuliyaam tana, ina koron ki Kisi. Pa niom ta kewe kembei Kisi namaana, ma kumbuunu ma koronjanjan ta boozomen. Parei,ombe tulup Kisi koronjan sa raama moori zaala lwoono kana, ko ambai? Som kat!ⁱ ¹⁶⁻¹⁷Kakam ngar. Omba tomtom sa ziru moori zaala lwoono kana tiparlup zin, na ziru tiwe kembei tomtom ta. Pa sua imbot pataaja kek:

Ziru ko tiparlup zin ma tiwe tamen.^j

Tamen tomtom ta omba Bubujana ikami ma iwe Merere lene, na ni ziru Merere tiparlup zin ma tiwe tamen. Parei, ko tomtom ta kembena isu mini mi ilup raama moori zaala lwoono kana?^k

^d 6:9 Ga 5:19+; Ep 5:5; Ibr 12:14; Tur 22:15 ^e 6:11 Ep 2:1+; Kol 3:7+; Tit 3:3+; Ibr 10:22; 1Pe 1:2 ^f 6:12 1Kor 10:23 ^g 6:13 Ro 14:17; Kol 2:22+; 1Tes 4:3+ ^h 6:14 Ro 8:11; 2Kor 4:14; Ep 1:19+ ⁱ 6:15 Ro 12:5; 1Kor 12:27; Ep 5:30 ^j 6:16-17 Un 2:24

^k 6:16-17 Yo 17:21+; Ro 8:9+; 1Kor 12:13; Ep 4:4

¹⁸Tana kombot molo pa mbulu kizin me ma nge. Pa sanaana boozomen ta tomtom tikamam, ina kembei imbot mat pa kulin. Tamen sombe takam mbulu kizin me ma nge, na takam sanaana pa itundu kulindi.^l ¹⁹Niom kuute som? Kuliyo m tana, ina iwe kembei Urum Merere be Bubugana Potomjana ta Anutu ikam piom na imbot lela. Tana niom komboro ituyom mini som.^m ²⁰Pa Anutu ingiimi yom pa kadoono biibi ma kewe lene kek. Tana mbulu ta kakamam pa kuliyo m, ina be ipakur Anutu.ⁿ

Paulus ipazal zin Korin pa ula ka ngar pakan

7 ¹Ayo, ingi be anpekel wišana pakan ta imbot la ro tiom ta kebeede ma imar na. Niom kozzo ta kembei: “Sombe tomooto ila ki moori som, ina ambai.” ²Tamen mbulu kizin me ma nge ta ipet ma iwe biibi kek. Tana sombe tomooto ziru kusiini tiparmbot molo pizin, na tirre be tiparlup zin mini. ³Sombe moori sa leleene be ziru kusiini tikeene, na kusiini irao iyok pini. Mi tomooto ta kembena. Sombe kusiini leleene be ziru tikeene, na ni irao iyok pini. Pa ina mbulu ki ula.^o ⁴Moori, ni imborro itunu kuliini som. Waene ta imborro. Mi tomooto ta kembena. Ni imborro itunu kuliini som. Waene ta imborro. ⁵Tana kuruutu kuliyo m pa kusiyo m bizin pepe. Tamen sombe niomru kusim koyok raraate be kasapaara pa mbulu ki ula pa mazwaana rimen bekena kombot kat pa sunjana, ina ambai. Sua sa som. Mi kaimer to kaparlup yom mini. Kokena karao be kayaraama ituyom som, to Sadan iwat yom ma kotop. ⁶Tana nio ansope yom ta kembei: Sombe leleyom be kasapaara pa mbulu ki ula pa mazwaana rimen, na irao. Mi kakam ma iwe tutu piom pepe. ⁷Mi nio lelej anso tomtom ta boozomen tiwe kembei ta nio i mi tiwoolo som, to ndabok. Tamen Anutu iur mbotjana matakija piti. Mi mbulu parejana ta so ni iur piti, na kampejana kini ko imbotmbot raama.^p ⁸Mi niom kisa ma noroja na, nio anso piom ta kembei: Niom sombe kowoolo mini som, mi kombot kembei ta nio i, ina ambai. ⁹Tamen sombe karao be kayaraama ituyom som, na kowoolo koyom! Kokena kowoolo som, to leleyom imanganga pa mbulu sananjana.^q ¹⁰Mi wal ulajan na, nio anur sua pizin ta kembei. Mi sua ti, nio sua tio som. Ingi Merere itunu kaljana. Moori irao izem kusiini mi iyembut ula kizin na pepe. ¹¹Mi sombe moori sa izem kusiini, na irao iwoolo mini pepe. Som na imiili ma ila ki kusiini, mi ziru tilup zin mini. Mi zin tomooto ta kembena. Irao tiyembut ula kizin pepe.^r ¹²Mi niom pakan na, nio lej sua piom ta kembei. Mi ingi Merere sua kini som. Ingi ituŋ anso. Sombe tomooto urlajana sa kusiini iurla som,

^l 6:18 Ro 6:12+; 1Tes 4:3; Ibr 13:4 ^m 6:19 Ro 14:7+; 1Kor 3:16+; 2Kor 6:16

ⁿ 6:20 Yo 15:8; 1Kor 7:23; Ga 3:13; Ibr 9:12; 1Pe 1:18+ ^o 7:3 Kam 21:10; 1Pe 3:7

^p 7:7 Mt 19:11+; 1Kor 12:4,11 ^q 7:9 1Tim 5:14 ^r 7:11 Mk 10:11+

mi tamen kusiini iyok be imbot raami, na tomooto tana iyembut ula kizin pepe. ¹³Mi sombe moori urlaḡana sa kusiini iurla som, mi kusiini iyok be imbot raami, na moori tana tomini iyembut ula kizin pepe. ¹⁴Pa moori urlaḡana ko iwe zaala pa kusiini ta iurla som na be iwe Anutu lene. Mi tomooto urlaḡana ko iwe zaala pa kusiini ta iurla som na be iwe Anutu lene. Mi sombe keyembut ula tiom, inako kapakaala zaala pa lutuyom bizin be tiḡgeeze pa Anutu mataana. Tamen iḡi timbot la zaala tabe tiwe Anutu lene i kek.

¹⁵Tamen sombe tomtom urlaḡana sa kusiini iurla som, mi imaḡmaḡ be iyembut ula kizin, na tomtom urlaḡana tana irao iyok pini, mi izemi ma ila. Ka ḡgalseki sa som. Pa Anutu iboobo iti be tombot la mbulu luumuḡana men.^s ¹⁶Mi niom moori ta kuurla na, kuute som. Ko kewe zaala pa kusiyom bizin be Anutu ikamke zin ma iḡi. Mi niom tomooto ta kembena. Kuute som. Ko kewe zaala pa kusiyom bizin be Anutu ikamke zin ma iḡi.^t

Mbotḡana pareiḡana taso Anutu ikam piti, na lelende ambai pa men

¹⁷Mbotḡana pareiḡana ta so Anutu ikam piti, na lelende ambai pa men. Tana mbotḡana kiti ta takamam indeeḡe Anutu iboobo iti ma tewe Krisi lene na, tombot men ta kembei mi ila. Sua ti, nio aḡpaute zin lupḡana ki Krisi pa irao lele ta boozomen. ¹⁸Tana sombe tomtom sa tireeti mi Anutu iboobi, na ni itoombo be iurpe kuliini pepe. Mi sombe tomtom sa tireeti som mi Anutu iboobi, na irao ikam ḡgar pa reeteḡana pepe. ¹⁹Pa sombe tireete iti, som tireete iti som, ina koron sorok. Mi mbulu tau matanda iḡaḡḡal Anutu tutu kini mi tototo, ina koron ḡonoono.^u ²⁰Tana mbotḡana kizin tomtom tataḡa ta tikamam indeeḡe Anutu iboobo zin na, irao tikiskis men. ²¹Sombe tomtom sa ikamu ma mbotmbot kini be mbesmbeeze pini, mi Merere iboobu ma we lene, na lelem ipata pa uraata ku tana pepe. Tamen sombe zaala ambaiḡana sa ipet pu be zem uraata ku tana, na nu rao zem. ²²Pa tomtom ta so iwe mbesoonḡ pa tomtom toro ma imbotmbot, mi Merere iboobi ma iwe lene, na Merere ire i kembei ni mbesoonḡ mini som. ḡonoono, mbesoonḡ tana ko imbesmbeeze men pa biibi kini. Tamen Merere itatke i pa sanaana ta mungu imborro i na. Mi tomtom ta ni mbesoonḡ som, mi imborro itunu mi Anutu iboobi na, ni iwe mbesoonḡ pa Anutu.^v ²³Mi niom na, Anutu iḡḡiimi yom pa kadoono biibi ma kewe lene kek. Tana kusu mini ma kewe mbesoonḡ pa ḡgar soroksorok kizin tomtom pepe.^w ²⁴Tana niom toḡmatiziy tio, mbotḡana kiti ta takamam indeeḡe Anutu iboobo iti na, iti irao tikiskis men mi tembesmbeeze pa Anutu.

^s 7:15 Ro 12:18, 14:19 ^t 7:16 1Pe 3:1 ^u 7:19 Yo 15:14; Ro 2:25; Ga 5:6, 6:15

^v 7:22 Yo 8:36; Ga 5:13; Ep 6:6; Plm 16; 1Pe 2:16 ^w 7:23 1Kor 6:20; 1Pe 1:18+

Sua ta ila pizin wal ta tiwoolo zen

²⁵ Mi zin tamuriŋ ma nangan ta tiwoolo zen na, nio leŋ sua pizin tomini. Mi iŋgi tutu ki Merere som. Ingi ituŋ sua tio. Tamen muŋaiŋana ki Merere imbotmbot se tio. Tana niom irao kendemeere sua tio ti mi kelen la kalŋoŋ.^x ²⁶ Nio aŋre ta kembei: Tomtom sa isombe iwoolo kek, som iwoolo zen, na imbot men ta kembei mi ila to ambai. Pa iŋgi be toporou sala pataŋana biibi i. ²⁷ Mi nu sombe mbuk sua pa moori sa be wooli, na reege sua ku mbukŋana tana pepe. Mi sombe woolo zen na, kam kinkiini be woolo pepe. ²⁸ Tamen sombe woolo, ina ambai tomini. Sanaana sa som. Mi moori ta kembena. Sombe iwoolo, na ikam sanaana som. Mi nio aŋute: Wal ulaŋan ko tindeene pataŋana boozo isu toono ti. Mi leleŋ be pataŋana ta kembei indeene yom pepe. Tanata aŋkam sua ti piom.

Takam ŋgar biibi pa koronj toono kan pepe

²⁹ O niom toŋmatiziŋ tio, sua tio ti ka uunu ta kembei. Iti ko tombot su toono ma molo na som. Tana ta koozi mi ila na, irao takam ŋgar biibi pa mbotŋana kiti ta ki toono i na pepe. Tana zin tomooto ta tiwoolo kek na, irao timbot kembei zin wal ta tiwoolo som.^y ³⁰ Mi zin wal ta lenen ipata na, irao timbot kembei zin wal ta lenen ipata som. Mi zin wal ta menmeen zin na, irao timbot kembei zin wal ta menmeen zin som. Mi zin wal ta tingimgiimi len koronj na, irao tikam ŋgar ta kembei: Koronj tana, koronj kizin som. Ina koronj ki Anutu. ³¹ Mi zin wal ta tikamam uraata pa koronj ta imbotmbot toono na, irao ŋgar kizin imap ma ilala pa koronj tana pepe. Pa iti tuute: Toono ti ramaki ka mbulu, ta iŋgi be imap i.^z

³² Nio leleŋ be niom kopoyom rru mi kakamam ŋgar boozo pepe. Tanata aŋso sua ti. Tomooto urlaŋana ta sombe iwoolo som, na ni ikamam ŋgar biibi pa koronj ki Merere. Pa leleene be ikam ma Merere leleene ambai. ³³ Mi tomooto urlaŋana ta so iwoolo kek, na ni ikamam ŋgar biibi pa koronj ki toono. Pa leleene be ikam ma kusiini leleene ambai.^a ³⁴ Tana ŋgar kini iwe ru. Mi zin noronja mi tamuriŋ ta tiurla na, ta kembena. Tikamam ŋgar pa Merere men. Pa tisombe tiur zitun ma tiwe ni lene kat. Ŋgar kizin, lenen, kulin, koronj kizin ta boozomen. Tamen zin moori urlaŋan ta so tiwoolo kek na, tikamam ŋgar biibi pa koronj ki toono. Pa tisombe tikam ma kusin bizin lenen ambai.^b

³⁵ Sua tio ti, nio aŋso beken aŋpakaala yom pa ula som. Ingi aŋso beken aŋuulu yom ma ŋgar tiom imap ma ila ki Merere, mibe kakam kat mbulu mi kewe Merere lene kat. ³⁶ Tamen sombe tomtom sa tiroogo

^x 7:25 2Kor 8:8+; 1Tim 1:12-16 ^y 7:29 Ro 13:11+; 1Kor 10:11 ^z 7:31 Mbo 39:6; Kol 3:2; 2Pe 3:11+; 1Yo 2:15+ ^a 7:33 Lu 14:20 ^b 7:34 1Tim 5:5

moori pini kek, mi tamen ziru tiwoolo zen, mi sombe ire kembei moori tana imbot sorok ta kembei, ina ambai som, mi itunu imanman pa mbulu ki ula, na ambai be ito leleene mi ziru tiwoolo. Sanaana sa som. ³⁷Tamen sombe tomooto sa leleene mi ngar kini imbol be iwoolo moori ta tiroogi pini na pepe, mi ni irao be iyaraama itunu, na tomtom ta kembei isombe iwoolo som, na ikam ambai. Sua sa som. Tamen bela itunu iyok kat. Kokena ito wal pakan ngar kizin, mi ikam ta kembei. ³⁸Tana tomooto ta sombe iwoolo, na ni ikam ambai. Mi tomooto ta sombe iwoolo som, na ni ikam ambai ma ilip.^c

³⁹Mi zin moori ulagan na, sombe kusin bizin timetmeete zen, na irao tiyembut ula kizin pepe. Timbot men ki kusin bizin. Mi sombe moori sa kusiini imeete, na irao iwoolo mini. Mi kozo mataana ingal be iwoolo tomooto urlagana men.^d ⁴⁰Tamen nio agre ta kembei: Sombe zin noroja tiwoolo mini som mi timbotmbot men ta kembei, inako lenen ambai ma ilip pizin noroja ta tiwoolo mini na. Mi nio tomini anso Anutu Bubujana ikamam peeze pa ngar tio.

Sua pa buzur ta tipatoron zin merere pakaamjan pa i

8 ¹Ayo, ingi be anso pa buzur ta tipatoron zin merere pakaamjan pa i.

Niom pakan kozzo ta kembei: “Buzur tana ka ngar, niam ta boozomen ambot mat pa kek.” Ina ambai. Mi kere yom. Kokena ngar tiom ikam yom ma kapakur yom mi koso kilip pa waeyom bizin pakan. Mi mbulu ki lelende par piti, ina ikam ti ma taparpombolmbol ti.^e ²Sombe tomtom sa indemeere kembei ni irao kat pa ngar, ina iswe kembei ni ikam kat ngar zen.^f ³Mi sombe tomtom sa iurur kat leleene pa Anutu mi zin tomtom, ina iswe kembei ni ikam kat ngar.^g

⁴Anmiili mini pa buzur ta tipatoron zin merere pakaamjan pa i. Niom kiwi ta kembei: “Ko wal urlagan irao tikan, som som?”

Mi pekelnana tio ta kembei: Iti tuute: Merere pakaamjan, ina koronjonoono som. Pa Anutu tamen ta imbotmbot i. Toro sa som.^h ⁵Jonoono, tomtom tiurla ki koron boozo ta timbot saamba ma toono na, mi tiwatwaata zin be ‘anutu’ som ‘merere’ kizin. ⁶Tamen iti na, tuurla ki Anutu tamen. Ni Tamanda ta iur koron ta boozomen, mi iti tombot be tembeeze pini. Mi iti tuurla ki Merere tamen, Yesu Krisi. Ni ta iwe zaala pa koron ta boozomen ma tipet, mi iwe zaala piti ma tewe Anutu lene.ⁱ

⁷Tamen wal pakan ta urlagana kizin imbol zen na, timbot mat pa koron taingi som. Wal ta kembei, ta mungu mi imar na, timbesmbeeze

^c 7:38 Ibr 13:4 ^d 7:39 Ro 7:2+; 2Kor 6:14 ^e 8:1 Ijgo 15:20; Ro 14:3,10,14

^f 8:2 1Kor 13:8-12; Ga 6:3; 1Tim 6:4 ^g 8:3 1Yo 4:7+ ^h 8:4 Kam 34:14+; 1Kor 10:19+; Ga 4:8; Ep 4:5+; 1Tim 2:5 ⁱ 8:6 Yo 1:3+; Ijgo 17:28; Ro 11:36; Pil 2:11

pizin merere pakaamjan. Tana koozi, sombe tikan kini, som buzur sa ta tipakur merere pakaamjana pa na, to ngar kizin ilala pa merere pakaamjana tana. Tabe ikam ma tiyamaana zitun kembei tikam ngoobo mbulu ma tisaana pa Anutu mataana.^j ⁸ Ngoono, kini ma buzur, sombe takan, som takan som, ina koronj sorok. Irao ikam ti ma tewe ambainjanda, som sananjanda pa Anutu mataana na som.^k

⁹ Tamen niom wal ta leyom ngar pa koronj taingji mi kuute kembei kini ma buzur tana ka ngalseki sa som na, kere yom. Kokena kayaaru zin wal ta urlajana kizin imbol zen na, ma titop.^l ¹⁰ Nu tomtom ta ndemeere kembei mbot mat pa ngar ki Kisi na, sombe kanan kini lela urum ki merere pakaamjana sa, mi sombe tomtom sa ta urlajana kini imbol zen na, imar mi ire u, nako pomboli be ito u ma ikan kini tana tomini. ¹¹ Tana re u. Kokena ngar ku tana ipasaana urlajana ki tojmatizij ku ta Kisi imeete pini na, ma ila lene.^m ¹² Pa niom sombe kakam ta kembei, na kakam sanaana pa Kisi. Paso, kakam sanaana pa zin tojmatizij ku ta urlajana kizin imbol zen na, mi kakam zin ma tiyamaana zitun kembei tikam ngoobo mbulu. ¹³ Tana sombe kini sa, som buzur sa irao ikam tojmatizij tio ma itop pa urlajana kini, na nio ko irao ankan mini koronj tana na som. Kokena ankami ma itop pa urlajana kini.ⁿ

**Paulus isotaara zin Korin pa uunu tau ni iyok
pizin be tikam le kadoono som**

9 ¹ Niom Korin koyom kere yo be parei? Nio irao anboro itun som? Nio zonj pa uraata ki ngojana som? Nio ti anje kat Merere kiti

Yesu som? Uraata ki Merere ta ankamam na, iur ngoono piom som?^o

² Ngoono, wal pakan sa ko tire yo kembei nio ngojana ngoono ki Kisi som. Mi niom na, kuute. Pa uraata ta ankam la mazwoyom ma iur ngoono, ta iswe yo kembei nio ngojana ngoono ki Merere.^p

³ Zin wal ta titirtiiri yo ma tizzo nio ngojana ngoono som na, nio anpekel sua kizin ta kembei: ⁴ Parei, niam ta zoyam pa uraata ki Merere na, irao tomtom tiuulu yam pa koyam kini ma yok som?^q ⁵ Mi parei, sombe amwoolo, na irao amkam kusiyam bizin ta tiurla i, mi niamjan amwwa pa uraata ki Merere som? Irao amkam kembei Merere itunu tiziini bizin, mi Petrus, raama ngojana pakan som? ⁶ Mi parei, niom koso niamru Panabas men ta amrao be amkam uraata pa nomoyam som, tanata leleyom be ambot mi amdemeere yom men pa mbotjana tiam?

⁷ Kakam ngar pizin wal malmal kan. Zin timborro zitun pa len pat mi kan kini? Som. Mi sombe tomtom sa ipaaza baen, ko itunu irao ikan ka

^j **8:7** Ro 14:14,23; 1Kor 10:28+ ^k **8:8** Mk 7:19; Ro 14:14,17; Ibr 13:9 ^l **8:9** Ro 14:13+; Ga 5:13; 1Pe 2:16 ^m **8:11** Ro 14:15+ ⁿ **8:13** Ro 14:19+ ^o **9:1** Ijo 9:3, 9:15+; 1Kor 3:5+, 4:15 ^p **9:2** 2Kor 3:2+ ^q **9:4** Lu 10:8

ɲonoono som? Som. Ni irao ikan. Mi parei? Ko mboronjan kizin sipsip mi mekmek irao ikam tui kizin mi iwin som?^r 8-9 Sua tio ti, kokena niom koso nio anjo ngar kizin tomtom men mi anjo. Na som. Pa tutu ki Mose iso sua raraate men ta kembei:

Sombe bapalo ikamam uraata pu mi ipadagdaaga kini wit, na po kwoono pepe. Bela kwoono imbot sorok. Naso irao ikan kana tomini.^s

Parei, Anutu ikam ngar pizin bapalo men, mi iur tutu tana? ¹⁰Som. Ni ikam ngar piti tomtom tomini. Sua tana indeeje kat niam ngonjana. Kokena tomtom ta itaara toono be ipaaza kini, mi tomtom ta ingaama kini na, tikam ngar kembei tikamam sorok uraata. Ina ambai som. Zin irao tiur matan pa kan kini pakan tomini. Uunu tina ta tibeede tutu tana. ¹¹Indeeje ta amkam uraata la mazwoyom na, niam kembei ampaaza kini ta ki Bubujana i. Tana niom sombe kipimiili koronj pakan tabe ipombol kuliya i, ina indeeje. Mi niom kere be parei? Amur motoyam pa koronj biibi mete?^t ¹²Wal pakan na, kere zin kembei zan be kakam ulaanja pizin. Ina ambai. Mi so kembena, na niom irao kakam leyam tomini. Naso indeeje kat.

Tana niamru Panabas tomini zoyam be amkam ulaanja pakan pa uraata tiam. Tamen mungu amyok be ku'uulu yam som. Pa amoto: Kokena amkam, to ipakaala zaala pa uruunu ambaijana ki Krisi. Mi sombe ambot ɲoobo, na tonjo. Pa niamru amrao ambaada patanjana ta boozomen.^u

¹³Niom kuute som? Zin wal ta tikamam uraata lela Urum Merere na, tikanan urum tana ka kini. Mi zin wal ta tikamam patoronjana sala artaal na, zin tikanan patoronjana pakan.^v ¹⁴Ina zaala raraate men pizin wal ta tizzoyaryaara uruunu ambaijana na. Pa Merere, ni itunu iur len zaala ta kembei: Zin tirao be tikam len kadoono pa uraata kizin. Naso iuulu zin pa mboti kizin.^w

¹⁵Tana nio sombe anjam lej kadoono pa uraata tio, ina indeeje men. Tamen ta mungu mi imar na, anyok be anjam som. Mi koozi tomini, anbeede sua ti bekana anjam leleyom ma kakam lej kadoono na som. Lelej pa som kat. Bela anmeete mungu, tona kakam lej kadoono! Pa zaala ta anjamam uraata pa i, ta ikam yo ma niɲ ise. Tana ngar tio imbol kat be anjam lej kadoono sa pa uraata tio pepe. Mi tomtom sa irao itooro ngar tio ti na som.^x ¹⁶Nio sombe ansoyaara uruunu ambaijana, na lej uunu sa be anpakur ituɲ pa i na som. Pa Anutu itunu ta iur uraata

^r 9:7 2Tim 2:6 ^s 9:8-9 Lo 25:4; 1Tim 5:18 ^t 9:11 Ro 15:27; Ga 6:6 ^u 9:12 ɲgo 20:33+; 2Kor 11:7-12+; 1Tes 2:9 ^v 9:13 Wkp 6:16,26; Lo 18:1 ^w 9:14 Lu 10:7; 1Tim 5:17+

^x 9:15 ɲgo 18:3, 20:34; 2Kor 11:10

tana imar nomoŋ. Tana nio sombe aŋsoyaara uruunu ambaijana som, na aŋbel ituŋ kek.^y ¹⁷Nio sombe ituŋ leleŋ men mi aŋsoyaara sua ki Merere, so irao aŋkam leŋ kadoono pa uraata tana. Mi ingi som. Pa aŋwe Anutu mbesooŋo kini kek, mi ni iur uraata ti imar nomoŋ be aŋkam.^z ¹⁸Tana ko aŋkam leŋ kadoono pareiŋana? Pa gorgori ta aŋzzoyaryaara uruunu ambaijana pizin tomtom na, aŋboboobo pa kadoono ta zoŋ pa i som. Aŋkamam pizin sorok. Mi mbulu tina, ta ikam yo ma niŋ ise. Kadoono tio ta tina.

**Paulus ito mbulu matakaŋa bekena iyaaru
zin tomtom ma tiwe Kriŋi lene**

¹⁹Nio ti, tomtom sa imboro yo som. Ituŋ aŋboro yo. Tamen aŋurur ituŋ ma aŋwe mbesooŋo pa wal ta boozomen, bekena aŋyaaru tomtom boozo ma tiwe Kriŋi lene.^a ²⁰Sombe aŋbot raama zin Yuda, na aŋto mbulu kizin bekena aŋyaaru zin ma tiwe Kriŋi lene. Ŋonoono, tutu kizin imboro yo mini som. Tamen aŋbot kembei zin wal ta tutu imborro zin na, bekena aŋyaaru zin ma tiwe Kriŋi lene.^b ²¹Mi sombe aŋbot raama zin wal ta tiute Yuda tutu kizin som, na nio tomini aŋto tutu tana som. Pa aŋso aŋyaaru zin tomini ma tiwe Kriŋi lene. Tamen nio aŋzooro Anutu tutu kini som. Pa tutu ki Kriŋi ta ikamam peeze pio.^c ²²Sombe aŋbot raama zin wal ta urlaŋana kizin imbol zen, na nio aŋbot kembei ta zin, bekena aŋkam zin ma timbol kat. Tana nio aŋto wal ta boozomen pa mbulu kizin kizin, bekena aŋkamke tomtom kizin pakan ma tiwe Kriŋi lene. Tana zaala pareiŋana ta sombe ambai pizin, na nio aŋto men.^d ²³Pa mbulu tio ta boozomen na, aŋkamam bekena aŋpoloondo uruunu ambaijana mi irak ma irao zin tomtom. Naso niamŋan mi ambot lela kampejana ki uruunu ambaijana.

Matanda siŋsiŋ pa londi biibi ta ki Anutu i

²⁴Iti tuute: Londi sa isombe ipet, na zin wal ta zan imbot pa londi tina, inako timap ma tiloondo. Mi tomtom tamen ta ko ilip mi ikam le kadoono. Tana motoyom siŋsiŋ pa londi biibi ta ki Anutu i, mi koloondo kat. Naso kakam leyom kadoono ambaijana.^e ²⁵Wal boozomen ta tisombe tiloondo pa londi biibi, na tigabiizi kat zitun pa koron boozo. Pa tiso ko iuulu zin be tilip. Mi kadoono ta tikam kinkiini pa i, ina irao imbot ma molo na som. Loŋa men mi isaana. Mi iti na, takam kinkiini pa koron tabe imbot ma alok i.^f ²⁶Nio kembei tomtom ta mata lawelawe pa

^y **9:16** Yer 20:9; Ŋgo 9:15; Ro 1:14+ ^z **9:17** 1Kor 4:1; Ga 2:7; Kol 1:25 ^a **9:19** Mt 20:26+; Ga 5:13 ^b **9:20** Ŋgo 16:3, 20:21-24; Ro 6:14+; Ga 3:25 ^c **9:21** Ro 2:12+, 7:6; Ga 2:3+
^d **9:22** Ro 15:1+; 1Kor 10:33; 2Kor 11:29 ^e **9:24** Pil 2:16, 3:14; 2Tim 4:7+; Ibr 12:1
^f **9:25** 1Tim 6:12; 2Tim 2:4+; Yems 1:12; 1Pe 1:4, 5:4; Tur 2:10

londi i som. Nio anjamam kembei tomtom ta ingun uteene, mi iloondo kat bekena ise londi ka senjaana ta imap pa i. Mi nio kembei tomtom ta iwirri sorok namaana pa malmal i som. Nio kembei tomtom ta iwirri namaana mi ipunun katkat tomtom i. ²⁷Pa anpunun ngar ta ki kuliŋ i bekena anjoto ngar tana mi anyaraama kat ituŋ. Kokena anjam kat mbulu som, mi anjamam sua pizin tomtom, to kaimer ituŋ anrao anjam leŋ kadoono ambaijana som.^g

Tere ti. Kokena tagabiizi itundu som, to totop kembei ta zin Israel

10 ¹O niom toŋmatiziŋ tio, nio leleŋ be motoyom ingal mbulu ta mungu ipet pa tumbundu bizin na. Indeeŋe ta ziŋan Mose tizem Aikuptu na, miiri tieene ikamam peeze pizin ta boozomen. Mi zin ta boozomen tindu tai.^h ²Mbulu ta ipet pizin pa tai ma miiri tieene na, ina kembei tikam yok. Pa mazwaana tana timaŋga pa mbotjana popoŋana be tito Mose. ³⁻⁴Mi zin ta boozomen tikan kini ta ki Bubuna i, mi tiwin yok ta ki Bubuna i. Tana zin ta boozomen raraate men. Pa timap tiwinin yok la pat ta ki Bubuna i tau igabgaaba zin ma ziŋan tiwwa. Pat tana na, Kisi ituŋ tau.^{i j} ⁵Tamen kaimer tomtom boozomen kizin Israel tizooro Anutu. Tanata ni leleene ambai pizin som, mi ikasgeege zin ma timetmeete leŋaleŋa pa lele bilimjana.^k

⁶Mbulu boozomen ta ipet pizin, ina iso iti ta kembei: Kokena tuur lelende pa koroŋ sananjan kembei ta zin na, to iti tomini tala lende.^l ⁷Tana kembeeze pizin merere pakaamjan kembei ta mungu zin Israel pakan tikam na pepe. Pa sua ki Anutu iso ta kembei:

Zin tomtom mbulen su, mi tikanan ma tiwinin, to tisu na tikam mbulu bozboozo.^m

⁸Mi takam mbulu kizin me ma nge pepe. Pa zin Israel pakan tikam ta kembei, mi tomtom kizin 23,000 timetmeete pa aigule tamen ŋonoono.ⁿ ⁹Mi totoombo Merere mburaana pepe. Pa zin Israel pakan tikam ta kembei, to mooto sananjan tipet, mi tipasaana zin ma timetmeete.^o ¹⁰Mi toyyo kwondo pa Anutu mi wal peeze kan kini pepe. Pa zin Israel

^g 9:27 Ro 13:14; Pil 3:13+; Kol 3:5 ^h 10:1 Kam 13:21+, 14:22+; Mbo 78:13

ⁱ 10:3-4 Kam 17:1+ mi Nam 20:1+ iso pa mazwaana ru ta Anutu ikam ma yok ireere pa pat bekena zin Israel tiwin. Zin Yuda pakan tiwidit mbol pa mbulu tana ma tiso ina pat tamen tau. Mi tizzo ta kembei: Pat tana, mungu tumbun bizin tiwwa raama isu lele bilimjana. Mi gorgori yok ireere pa. Tamen wal ngarjan pakan tisombe pat tana, ina sua toorojana pa Anutu ituŋ. Pa ni iwwa raama zin mi ipombolmbol zin. Re Lo 32:4,31.

^j 10:3-4 Kam 16:14+, 17:1+; Nam 20:1+; Mbo 78:15-24 ^k 10:5 Nam 14:29+; Mbo 106:26; Ibr 3:17+; Yud 5 ^l 10:6 Nam 11:4; Mbo 106:14 ^m 10:7 Kam 32:6 ⁿ 10:8 Nam 25:1+; Mbo 106:29; Tur 2:14 ^o 10:9 Kam 17:2,7; Nam 21:5+; Mbo 95:9

pakan tikam ta kembei, to aŋela ta ikamam zaaba pizin tomtom i, ikas zin ma timetmeete.^p

¹¹Ŋonoono, mbulu boozomen tana ipet pizin Israel. Mi ina ipei ŋgar kiti tomini be matanda ŋgal itundu. Pa ingi tombot la mazwaana kaimer kana tabe koron ta boozomen imap pa i.^q ¹²Tana sombe tomtom sa indemeere kembei imender mbolŋana, na ire i. Kokena itop.^r ¹³Toomboŋana boozomen ta tiwedet piom, ina raraate men pa toomboŋana ta gorgori tiwedet pizin tomtom ta boozomen. Tipa ndel som. Mi niom irao kapase pa Anutu. Pa toomboŋana ta so karao be kabaada som, na ni ko iyok pa be ise tiom na som. Som kat. Mi sombe izem toomboŋana sa ma ipet piom, na ni kola iur leyom zaala tomini be koko pa. Naso kemender mbolŋana mi kilip pa toomboŋana tana.^s

Tombot molo pizin merere pakaamŋan mi urum kizin

¹⁴Tana mbulu ki tembeeze pizin merere pakaamŋan na, kombot molo pa. O niom, nio lelej piom, tanata aŋkam sua taingi piom.^t ¹⁵Niom leyom ŋgar. Tana ituyom irao kitiiri sua tio ti. ¹⁶Iti sombe takan Pasa ma tiwin la mbooro, na tapakur Anutu mi lelende ambai pini pa kampeŋana kini. Mi iti tuute: Sombe tiwin la mbooro tana, inabe itijan Kisi tulup ti ma tewe tamen ma kembei siŋ kini iwe lende. Mi narabu ta tetete na, ta kembena. Sombe takan, inabe itijan Kisi tulup ti ma tewe tamen ma kembei mazaana iwe lende.^u ¹⁷Mi narabu tamen ta iti ta boozomen takan la, ina iwe kin kembei iti ta boozomen tulup ti ma tewe kembei tomtom tamen. Pa takan la narabu tamen tau.^v

¹⁸Kakam ŋgar pa mbulu kizin Israel tomini. Sombe tikam patoronŋana, na mbili suruunu ta, tineene sala artaal pa Anutu. Mi suruunu toro na, zitun tikan bekana ziŋan Anutu tiparlup zin ma tiwe tamen.^w ¹⁹Kenako toso parei pizin merere pakaamŋan mi kini ta tikamam pizin na? Ina koron ŋonoono? Som.^x ²⁰Patoronŋana ta wal matan munŋan tikamam lela urum kizin merere pakaamŋan, ina tikamam pa Anutu som. Tikamam pa zin bubuŋana sananŋan. Mi nio lelej be kagaaba zin pa mbulu tana pepe. Kokena niomŋan zin bubuŋana sananŋan kaparlup yom ma kewe tamen.^y ²¹Tana niom irao kiwin la Merere mbooro kini, to kusu mi kiwin la mbooro kizin bubuŋana sananŋan na pepe. Mi niom irao kakan kini ta imbot sala Merere mbalia kini, to kusu mi kakan kini ta imbot sala mbalia kizin bubuŋana sananŋan lela urum kizin na pepe.^z

^p 10:10 Kam 12:33; Nam 14:1+; Ibr 3:11,17 ^q 10:11 Ro 15:4; 1Kor 7:29; 1Pe 4:7; 1Yo 2:18
^r 10:12 Ro 11:20 ^s 10:13 Mbo 68:19; 1Kor 1:9; 1Tes 5:24; 2Pe 2:9 ^t 10:14 Ŋgo 15:20;
 2Kor 6:16+; 1Yo 5:21 ^u 10:16 Mk 14:22+; Ŋgo 2:42,46 ^v 10:17 Yo 6:33+; Ro 12:5;
 1Kor 12:13,27 ^w 10:18 Wkp 7:15 ^x 10:19 1Kor 8:4+ ^y 10:20 Lo 32:17; Mbo 106:37;
 Tur 9:20 ^z 10:21 2Kor 6:15+

²² Kokena kakam ta kembei, to kapamalmal Merere keteene. Pa ni mata mburmburjana. Mi parei, iti mburanda ilip pini?^a

Mbulu kiti ta boozomen bela iuulu waende bizin mi ipakur Anutu

²³ Tomtom tiom pakan tizzo ta kembei: “Niam amrao amkam mbulu ta boozomen. Koron sa ko iwe ngalsekjana piam som.” Ina ambai. Tamen mbulu ta boozomen iuluulu iti som. Mi mbulu ta boozomen ipombolmbol ti som.^b ²⁴ Mi takam ngar pa itundu men pepe. Takam ngar pa waende bizin be tu'uulu zin.^c

²⁵ Mi buzur ta so kere imbot su nol muriini na, kakam ngar boozo pa mi kiwi pa pepe. Irao kingiimi mi kakan. Pa sombe imar pa urum ki merere pakaamjana sa, ina koron sorok.^d ²⁶ Pa sua ki Merere iso ta kembei:

Toono ramaki koron boozomen ta timbot pa, ina koron ki Merere men.^e

²⁷ Tana sombe tomtom sa ta iurla ki Krisi som na, iso piom be kala ruumu kini mi niomjan kakan kini, mi sombe leleyom be kala, na irao kala. Mi kini parejana ta so tikam piom na, kakan men. Kakam ngar boozo pa mi kiwi pa pepe.^f ²⁸ Tamen sombe tomtom sa isotaara yom kembei buzur tana imar pa urum ki merere pakaamjana sa, na kakan pepe. Kokena kakan, to ni ikam ngar boozo piom, mi iso niom kakam joobo.^g ²⁹ Jonoono, niom sombe kakan buzur tana, na kakam joobo mbulu som. Mi kakam ngar pa waeyom tana. Kokena ni isombe niom kakam joobo.

Mi nio ajute: Tomtom pakan ko timanga ma tiso: “Niam ti amrao amyok pa tomtom toro sa be imboro yam na som. Ko tomtom toro sa irao be iso yam pa mbulu ambaijana mi mbulu sananjana? Som kat!^h ³⁰ Sombe ampakur Anutu pa kini tiam, mi leleyam ambai pini, na parei ta tomtom toro iyyo kwoono piam.”ⁱ

³¹ Mi nio anso ta kembei: Niom sombe kakan, som kiwin, som kakam mbulu parejana sa, na kakam mbulu ta boozomen be kapakur Anutu zaana pa.^j ³² Tana kakam ngar pizin Yuda, mi zin Grik ta tiurla som na, mi lupjana ki Anutu tomini. Kokena kakam mbulu sa ta irao pa ngar kizin som, to kapakaala zin pa Krisi, som kakam zin ma titop.^k ³³ Kakam kembei ta nio i. Nio ankam ngar pa itu som. Ingi antomtoombo be ankam mbulu ta irao pa wal ta boozomen lenen ma

^a 10:22 Lo 32:21; Mbo 78:58 ^b 10:23 1Kor 6:12 ^c 10:24 Ro 15:1+; 1Kor 13:5; Pil 2:4-21
^d 10:25 1Tim 4:4 ^e 10:26 Kam 19:5; Mbo 24:1 ^f 10:27 Lu 10:7+ ^g 10:28 1Kor 8:7 ^h 10:29 Ro 14:14,16
ⁱ 10:30 Ro 14:6; 1Tim 4:3+ ^j 10:31 Kol 3:17; 1Pe 4:11 ^k 10:32 Ro 14:13+; 1Kor 8:13;
 2Kor 6:3

ngar kizin. Pa leleŋ be Anutu ikamke zin. Tana aŋso aŋkam mbulu tabe iuulu zin.^l

11 ¹Tana koto yo pa mbulu tio, kembei ta nio aŋtoto Kriŋi pa mbulu kini.^m

Zin moori bela tiurpe ruŋgun ma irao tomtom matan

²Nio aŋpakur yom pa mbulu tiom ta motoyom iŋgalŋgal sua tio ta boozomen. Sua tana, muŋgu tikam pio. Mi nio kadoono aŋkam piom, ta kikiskis men na.ⁿ ³Tamen leleŋ be niom kuute kat ta kembei: Kriŋi ta iwe uteene pa tomooto ta boozomen. Mi zin tomooto ta tiwe kusin bizin uten. Mi Anutu ta iwe uteene pa Kriŋi.^o ⁴Tomooto boozomen ta sombe tipakaala uten ruunu pa koron sa, mi tisun, som tiwe kembei Anutu kwoono be tiso kalŋaana pizin tomtom na, tipamiaŋ Kriŋi ta iwe uteene pizin na. ⁵Mi moori boozomen ta sombe tipakaala uten ruunu som, mi tisun, som tiwe kembei Anutu kwoono be tiso kalŋaana pizin tomtom na, zin tomini tipamiaŋ kusin bizin ta tiwe uten na.^p Moori ta kembei na, zin raraate kembei zin moori sananŋan ta tomtom tipup uten ruunu ma isu lene lup bekena tipamiaŋ zin. ⁶Tana sombe moori sa izooro mi leleene be ipakaala uteene som, na ambai be tipup uteene ruunu ma isu lene lup. Mi sombe moori sa ka miaŋ be tipup uteene ruunu, na mataana iŋgal be ipakaala uteene.

⁷Tana tomooto, ni irao ipakaala uteene pepe. Pa ni iswe Anutu ruŋguunu, mi imbot be iwit Anutu uruunu. Mi moori ta kembena. Sombe mbulu kini ambai, nako ikam ma waene uruunu ambai.^q ⁸Kere. Tomooto mataana kana iyooto pa moori som. Moori ta iyooto pa tomooto. ⁹Pa Anutu iur tomooto muŋgu, mana iur moori be iwe le gaabaŋana.^r ¹⁰Tana zin moori bela len ŋger pizin aŋela, mi tipakaala uten. Naso tikam kat mbulu.

¹¹Tamen iti moori ma tomooto ta tesekap la ki Kriŋi na, irao tombot ndelndelŋa na som. Zin moori len uraata pizin tomooto, mi zin tomooto ta kembena. Len uraata pizin moori. ¹²Kakam ŋgar pa Adam mi Eba. Mata popoten moori iyooto pa tomooto. Mi koozi na, tomooto tiyotyooto pizin moori. Mi Anutu itunu ta iwe uunu ŋonoono mi ipiyotyooto koron ta boozomen. ¹³Niom ituyom kitiiri. Sombe moori sa ipakaala uteene som, mi isun pa Anutu lela lupŋana tiom, ko ambai? ¹⁴Mi itundu mbulu kiti ipaute iti pa koron taŋgi tomini. Sombe tomooto sa uteene ruunu

^l 10:33 Ro 15:2; 1Kor 9:19+ ^m 11:1 1Kor 4:16+; Pil 3:17; 2Tes 3:7+ ⁿ 11:2 2Tes 2:15; 2Tim 1:13+ ^o 11:3 Un 3:16; 1Kor 15:27+; Ep 5:23; 1Pe 3:1,5+ ^p 11:5 Zin ŋgarŋan pakan tisombe sua ti ka uunu ta kembei: Zin moori ta tipakaala uten som mi tizuŋzuŋ na, tipamiaŋ zitun, som tipamiaŋ kusin bizin. Pa kar Korin ŋgar kizin ta kembei: Sombe moori sa ipakaala uteene som, na ni moori naikikiŋana. ^q 11:7 Un 1:26+ ^r 11:9 Un 2:18+; 1Tim 2:13

biibi, ina ipamianji. ¹⁵Mi sombe moori sa uteene ruunu biibi, ina ikami ma niini ise. Pa ikam ma kaibiim kini ipet. Uteene ruunu biibi tana, ina Anutu itunu ikam pini bekena ipakaala uteene. ¹⁶Sua tio ti, sombe tomtom sa izooro pa, na pekelnjana tio ta kembei: Niamnjan lupnana ta boozomen ki Anutu amtoto mbulu tamen ta ti.

Zin Korin tipasaana mbulu ki Pasa

¹⁷Ayo, ingi be anpazal yom pa mbulu tiom pakan. Irao anpakur yom na som. Ko anyaamba yom. Pa sombe kuluplup yom pa sunnana, na iuluulu yom som. Ipasansaana yom.

¹⁸Sua tio mataana kana ta kembei: Nio anlen uruyom kembei niom, sombe kulup yom pa kini kannana mi sunnana, na kaparyapalpaala yom ma kewe uunu boozo, mi kombotmbot ndelndelja. Sua tana, nio anso ko nonono.^s ¹⁹Mbulu tiom ta kaparyapalpaala yom, ina ambai som. Mi tongo. Kakam lak! Naso tere kat: Zijo! ta urlanana kizin ambai pa Anutu mataana.^t

²⁰Niom sombe kulup yom pa kini kannana mi sunnana, na kini ta kakanan, ina kawatwaata be kini ki Merere. Mi som. ²¹Pa kakam ngar pa waeyom bizin mi kaparsa yom som. Kombotmbot ndelndelja, mi ituyam tataja kakanan kini tiom tiom. Tana tomtom ta, ni ikan som mi peteli. Mi toro na, ni ikam ka kini biibi mi iwin ma ikankaana. ²²Parei, niom tina karao be kakan mi kiwin ila ruumu tiom som? Niom leleyom be kerepiili lupnana ki Anutu mi kapamianj waeyom bizin ta len koronj som na? Ko anso parei piom? Anpakur yom pa mbulu tiom tana? Som kat!"

²³Sua ta ankam la ki Merere, ta mungu ankam piom na. Sua ta kembei: Indeeje mberj ta Yudas iur Yesu ila ka koi bizin naman na, Yesu ikam narabu.^v ²⁴Mi ipakur Anutu pa, to itete mi iso: "Ingi nio mozonj. Pa nio ko ankam muriyom mi anmeete piom. Kakam mbulu ti bekena motoyom ingal yo." ²⁵Tikan kini makinj, to ikam mbulu raraate men pa mbooro. Itege mi iso: "Mbooro ti, ingi sinj tio tabe ireere be ipiyooto zaala poponjana tabe Anutu zijan zin tomtom tiparlup zin ma tiwe tamen. Gorgori ta niom sombe kiwin la mbooro ti, na kakam mbulu ti bekena motoyom ingal yo."^w

²⁶Yesu sua kini tana iso iti ta kembei: Gorgori ta niom sombe kakan narabu tana mi kiwin la mbooro tana, na kozzoyaryaara meetenana ki Merere uruunu ma irao miilijana kini.^x

²⁷Tana mazwaana ta sombe takan narabu mi tiwin la mbooro ki Merere, sombe tomtom sa ikam mbulu ta indeeje som, na iwe le uunu.

^s 11:18 1Kor 1:10+, 3:3 ^t 11:19 1Yo 2:19 ^u 11:22 Yems 2:5+ ^v 11:23 Mt 26:26+;

Mk 14:22+; Lu 22:17+ ^w 11:25 Kam 24:3+; Lu 22:20+; Ibr 8:8+, 9:15+

^x 11:26 Yo 14:3; Ijgo 1:11

Pa ina kembei ni ikam Merere mazaana mi siniini ma iwe kembei koron sorok. ²⁸Tana tomtom tataja bela titiiri zitun mungu, tona tikan narabu mi tiwin la mbooro.^y ²⁹Pa iti ta tombot lela lupjana ki Kisi na, tewe kembei Kisi namaana, kumbuunu, mi koronjana ta boozomen. Mi wal ta tikamam joobo zin tonmatizij kizin ta ki Kisi i na, tikilaala koron tana som. Wal ta kembei, sombe tikan Merere mazaana mi tiwin la mbooro na, tikam sorok. Tana Anutu ko iur kadoono pizin. ³⁰Uunu tina ta tomtom tiom boozo mete ikamam zin ma mburan imap. Mi pakan na, timetmeete kek. ³¹Mi be titiiri kat itundu mungu, so Anutu iur kadoono piti som. ³²Tamen ni isombe iur kadoono piti mi ibalis ti, ina ambai. Pa ina, ni ikam bekana ipazal ti. Kokena izem ti ma tikiskis sanaana kiti, to mberj kaimer iur kat kadoono piti, mi itijan iwal biibi ki toono tala lende.^z

³³Tana niom tonmatizij tio, sombe kulup yom pa sunjana mibe kakan kini ki Merere, na kasa waeyom bizin mi niom ta boozomen kakan raraate. ³⁴Mi sombe tomtom sa peteli ma isaana, na ambai be ikan ka kini pataja ta ruumu kini, mana ila pa lupjana. Kokena lupjana tiom isaana, to Anutu leleene ambai piom som, mi iur kadoono piom. Nio lej sua pakan tabe ansope yom pa, mi tonggo. Itun ajma, tona anso.

Peeze ta ki Bubujana i

12 ¹O niom tonmatizij tio, nio lelej be kakam kat ngar pa uraata ta Bubujana ipombolmbol yom pa ma kakamam.

²Motoyom imiili pa mazwaana ta kuute Anutu som na. Indeeje tana, zin merere pakaamjan ta tirao be tiso sua som na, tikamam peeze piom mi tiyaryaaru yom pa mbulu sananjanana.^a ³Tana nio anso anpaute yom ta kembei: Tomtom ta sombe Bubujana ikamam peeze pini, na ni ko irao ipiri sua sananjanana pa Yesu na som. Mi tomini bela Bubujana ikamam peeze pa tomtom, to tomtom tana irao iso raama leleene ta kembei: “Yesu, ni Merere.”^b

Bubujana ipombolmbol iti be takam uraata mi mbulu matakiija

⁴Anutu ipomoozo iti mi ipombolmbol ti ma takamam uraata mi mbulu matakiija ta ki Bubujana i. Mi Bubujana tamen jonoono ta ipeyei uraata mi mbulu tana.^c ⁵Mi iti lende zaala matakiija be tembeeze pa Merere. Mi Merere tamen jonoono ta tembesmbeeze pini i.^d ⁶Mi iti takamam uraata matakiija ta ki Anutu i. Mi Anutu tamen jonoono ta ipombolmbol ti, mi ikamam lende mburanda be takam uraata tana.

^y 11:28 2Kor 13:5 ^z 11:32 Mbo 94:12+; 2Kor 7:10; Ibr 12:7+; Tur 3:19

^a 12:2 Mbo 115:5+; 1Kor 6:11; Ep 2:11+; 1Tes 1:9 ^b 12:3 Mt 16:17; 1Yo 4:2+

^c 12:4 Ro 12:6+; Ep 4:4; Ibr 2:4; 1Pe 4:10 ^d 12:5 Ep 4:11

⁷Bubuḡana, ni izzwe mburaana matakiḡa ma ikot iti tataḡa, bekena tu'uulu lupḡana ki Kriṣi pa.^e ⁸Tomtom ta na, Bubuḡana ipomboli ma imbot kat mat pa Anutu ḡgar kini, bekena iso zin tomtom pa. Mi tomtom toro na, Bubuḡana tamen ta ikam le ḡgar pa koronḡ pakan, bekena iso zin tomtom pa. ⁹To tomtom toro na, Bubuḡana tamen ta ipomboli ma le urlaḡana biibi. Mi tomtom toro na, Bubuḡana tamen ta ipomoozi mi ikam le mburaana be iurpe zin metenḡan ma nin ndabok.^f ¹⁰Mi tomtom toro na, Bubuḡana ikam le mburaana be itooro mos pakan. Mi tomtom toro na, Bubuḡana ipomboli ma iwe kembei Anutu kwoono be iso kalḡaana pizin tomtom. Mi tomtom toro na, Bubuḡana ipomboli ma irao ikilaala mbulu ta iwedet i: Imar pa Anutu Bubuḡana, som imar pizin bubuḡan sananḡan? To tomtom toro na, Bubuḡana ikami ma iso sua pakaukaḡana ta tomtom tileḡ mi tikam ḡgar pa som. Mi tomtom toro na, Bubuḡana ipomboli ma irao itooro sua tana, bekena tomtom tileḡ mi tikam ḡgar pa.^g ¹¹Mbulu ta boozomen tana, ina imar pa Bubuḡana tamen tau. Ni itoto itunu leleene mi ipeyei mbulu ta munḡaana men tana ma ikot iti tomtom tataḡa. Tomtom ta ikam mbulu ta, toro ikam mbulu toro.^h

Kriṣi tamen, mi ni koronḡanḡan boozo

¹²Iti tuute: Tomtom ta, ni koronḡanḡan boozo. Namaana, kumbuunu, mataana, ma. Mi koronḡana ta boozomen tana ilup ma iwe tomtom tamen. Ina raraate pa Kriṣi wal kini.ⁱ ¹³Pa iti ta boozomen takam Bubuḡana tamen. Mi Bubuḡana tana isalakaala iti, mi ilup ti ma tewe kembei ta tomtom tamen. Iti Yuda, mi Grik, mi mbesoonḡo, mi zin wal pakan ta tiwe mbesoonḡo som mi timboro zitun na tomini. Tana Anutu ikam Bubuḡana tamen ḡnoonoo piti ta boozomen. Bubuḡana tana, ina kembei ta yok mata yaryaaraḡana. Pa ipombolmbol ti, mi ipayaryaara iti.^j

¹⁴Iti tuute: Tomtom, ni koronḡana tamen som. Ni koronḡanḡan boozo. Ina kembei iti. Pa Bubuḡana ipombolmbol ti ma takamam uraata mi mbulu matakiḡa bekena tu'uulu lupḡana ki Kriṣi. ¹⁵Kere. Sombe tomtom kumbuunu ikam ḡgar ma iso: “A, nio ti aḡso aḡwe tomtom ti namaana, to ambai. Mi som. Tana ko aḡmet mi aḡla aḡbot ndel.” Ko sua kini tana ikami ma izem muriini, mi ila imbot ndel pa tomtom tana? Som. ¹⁶Mi talḡaana ta kembena. Sombe iso: “A, nio ti aḡso aḡwe tomtom ti mataana, to ambai. Mi som. Tana ko aḡmet mi aḡla aḡbot ndel.” Ko sua kini tana ikami ma izem muriini, mi ila imbot ndel pa tomtom tana? Som. ¹⁷Mi parei? Sombe tomtom sa koronḡana ta boozomen titooro zin

^e 12:7 1Kor 14:26; Ep 4:12; 1Pe 4:10+ ^f 12:9 Mk 16:17+; 1Kor 13:2; Yems 5:14

^g 12:10 ḡḡo 2:4; Ro 12:6; 1Kor 14:5; 1Yo 4:1 ^h 12:11 Ro 12:3+; 1Kor 7:7; Ibr 2:4

ⁱ 12:12 Ro 12:4+; 1Kor 10:17; Ep 4:4-16 ^j 12:13 Yo 6:63; Ro 10:12; Ga 3:28; Kol 3:11

ma tiwe tomtom tana mataana men, ko ni irao be ilerj sua? Som. Mi sombe koronjgana ta boozomen titooro zin ma tiwe taljaana men, ko tomtom tana irao be iyoozo? Na som.

¹⁸ Mi Anutu, ni ikamam ta kembei som. Ni ito itunu leleene, mi iur iti tomtom koronjganda ta boozomen ma timbot la murinmurin be tikam uraata kizin kizin.^k ¹⁹ Tamen sombe koronjganda ta boozomen titooro zin ma tiwe koronjganda tamen sa, inako parei? Ko tombot ambai? Som. ²⁰ Pa bela tomtom koronjgana ta boozomen tilup mi tikam uraata kizin kizin, to tomtom tana imbot ambai. Mi ina raraate men piti. Pa Bubujana ipombolmbol ti ma takamam uraata mi mbulu matakija beken a tu'uulu lupjana ki Kri si ma imbot ambai.

²¹ Tana tomtom mataana irao irepiili namaana ma iso: "Aiss, nu rao uulu yo na som." Mi uteene ta kembena. Irao iso sua ta kembei pa kumbuunu na som. ²² Kakam ngar pa koronjganda pakan ta timbot la lelende i. Ijonoono, koronj tana timbol som. Tamen tikamam uraata biibi piti. Sombe timbot som, inako temetmeete. ²³ Mi koronjganda pakan ta tere kembei ambai pe som mi kanda mianj pa, ina kembei tapakur zin. Pa matanda ingalngal kat be tapakaala zin. ²⁴ Mi koronjganda pakan ta tere kembei ambaimbaijan na, takamam mbulu ta kembei pizin som. Timbotmbot mat men. Anutu itunu ta iur koronjganda matakija, mi ilup zin ma tiwe tomtom tamen. Mi ipakur koronjganda pakan ta tere zin kembei ambai pe som na, ma ilip pa koronjganda pakan. ²⁵ Pa ni leleene be koronjganda timbot ndelndelja pepe, mibe tilup ma tiwe tamen, mi lelen par pizin mi tiparuulu zin. ²⁶ Iti tuute: Sombe koronjganda sa ire yoyoujana, inako koronjganda ta boozomen tire yoyoujana. Mi sombe tipakur koronjganda sa, nako koronjganda ta boozomen menmeen zin tomini.

²⁷ Lupjana tiom, ta iwe kembei Kri si itunu. Mi tomtom tiom tataja na, kewe kembei Kri si koronjanjan. Pa kakamam uraata mi mbulu matakija beken a kopombol lupjana tiom tana.^l ²⁸ Takam ngar pa lupjana ki Kri si. Anutu iur zin ngonjana ma tiwe mataana pa, to zin wal ta tiwe kembei ni kwoono be tiso kaljaana pizin tomtom. Mi iwe tel pa na, zin wal ta tipaute zin tomtom pa Anutu ngar kini. To zin wal ta titortooro mos, mi zin wal ta ni ipomoozo zin mi ikam len mburan be tiurpe zin metegan, mi zin wal ta tiuluulu zin tomtom, mi zin wal ta len ngar ambaijana be tikam peeze pa uraata, mi zin wal ta Bubujana ipombol zin ma tirao be tiso sua pakaukaugana ta tomtom tirao be tikam ngar pa som na.^m ²⁹ Parei? Wal ta boozomen tiwe ngonjana? Som wal ta boozomen tiwe kembei Anutu kwoono be tiso kaljaana pizin tomtom? Som wal ta

^k 12:18 Ro 12:3; 1Kor 3:5 ^l 12:27 Ro 12:5; Ep 1:23, 5:30; Kol 1:24 ^m 12:28 Ijgo 13:1; Ro 12:6+; Ep 2:20, 4:11+

boozomen tirao be tipaute zin tomtom? Som wal ta boozomen tirao be titooro mos? ³⁰ Som ni ipomoozo wal ta boozomen ma tirao be tiurpe zin meterjan? Som wal ta boozomen tirao be tiso sua pakaukaujana ta tomtom tikam ngar pa som na? Som wal ta boozomen tirao be titooro sua ta kembei? Som. ³¹ Tana Anutu ipomoozo iti mi ipombol ti be takam uraata mi mbulu matakina ta ki Bubujana i. Mi niom kozo kakam kinkiini pa uraata mi mbulu ta ambaimbaijan ma ilip. Mi ingi be anso yom pa zaala ta ambaijana kat."

**Mbulu ki lelende par piti, ina ilip pa uraata mi
mbulu boozomen ta ki Bubujana i**

13 ¹ Nioombe anrao be anso sua ila karkari kaljan, som zin ajela kaljan, mi tamen anur lelej pizin tomtom som, na nio kembei korj ta itanjan sorok, som kombom ta tizze sorok. ² Miombe anjwe kembei Anutu kwoono be anso kaljaana pizin tomtom, mi anjute ngar kini turkenjan ta munjaana men, mi anjam ngar ta boozomen ma imap, mi urlajana tio biibi kat mi anrao anso pa abal boozomen ma tila len, mi tamen anur lelej pizin tomtom som, na nio koron sorok.^o ³ Miombe anrai koron tio ta boozomen pizin wal sorrokjan, mi anjem itun ila tomtom naman be tineene yo pa you, mi tamen anur lelej pizin tomtom som, ina tomini irao iulu yo risa som.^p

⁴ Itiombe tuur lelende pizin tomtom, nako takampewe zin. Miombe tikam patajana piti, nako ketende malmal som, mi tabaada men. Miombe tuur lelende pizin tomtom, nako matanda mburmbur pizin som, mi tapakurkur itundu ma toso tilip pizin som.^q ⁵ Mitakam joobo zin som, mi takam ngar pa itundu men som. Mi ko loja ketende malmal pizin som, mi matanda ingalngal sanaana kizin som.^r ⁶ Sombe tuur lelende pizin tomtom, mi patajana sa isombe indeene zin, nako menmeen ti pa patajana kizin som. Mi ko lelende ambai pa sua ma mbulu jonoono.^s ⁷ Mitazwaana ta boozomen,ombe tomtom tikam joobo iti, nako tokototo itundu mi tabaada men. Mi ko takam ngar ambaijana men pizin tomtom, mi tuur matanda pa Anutu be ikampe zin. Mi mbulu pareijana ta so ipet piti, nako tu'urur lelende pizin men.^t

⁸ Mbulu ki tuur lelende pizin tomtom, ina irao imap na som. Tamen mbulu ki tewe kembei Anutu kwoono be toso kaljaana pizin tomtom, nako imap. Mi mbulu ta Bubujana ipombol iti ma toso sua pakaukaujana ta tomtom tikam ngar pa som, inako imap. Mi mbulu ta Bubujana izzwe Anutu ngar kini piti, ina tomini ko imap. ⁹ Pa iti takam

ⁿ 12:31 1Kor 14:1 ^o 13:2 Mt 17:20; 1Kor 12:8+, 12:28 ^p 13:3 Mt 6:2 ^q 13:4 1Pe 4:8

^r 13:5 Ro 13:10; 1Kor 10:24,33; Pil 2:4 ^s 13:6 Mbo 15:2+; Ro 1:32, 12:9; 1Pe 1:22; 2Yo 4

^t 13:7 Ro 15:1; Ga 6:2; 2Tim 2:24; 1Pe 4:8

kat ngar zen. Takam supurpuuru men. Mi mbulu ki tewe kembei Anutu kwoono mi toso kaljaana pizin tomtom, ina tomini takam supurpuuru men.¹⁰ Mi talala ma koronj ambai komboono iso ipet, tona mbulu boozomen ta takamam supurpuuru men na, ko timap.^y

¹¹ Mungu indeenje ta nio pikin na, sua tio, lelej, mi ngar tio kembei ta zin pikin i. Mi ingi anjwe kolman kek. Tana anjmap pa mbulu kizin pikin.^w

¹² Koozi tere koronj saamba kan kunun men, kembei tomtom ta itiiri itunu ila yok. Tamen kaimer ko tere kat. Koozi nio anjam supurpuuru ngar. Mi kaimer to anjute kat, kembei ta Anutu iute kat yo.^x

¹³ Tana koozi mbulu bibip tel ta timbotmbot i: urlanjana, mbulu ki tuur matanda pa koronj ndabokjana tabe Anutu ikam piti i, mi mbulu ki tuur lelende pizin tomtom. Mi mbulu ki tuur lelende pizin tomtom, ta ambaijana ma ilip pa mbulu tel tina.^y

Mbulu ki tewe kembei Anutu kwoono mi toso kaljaana pizin tomtom, ina ilip pa mbulu ki toso sua ta tomtom tikam ngar pa som

14 ¹ Tana kakam toto mbulu ki lelende par piti, mi koronj boozomen ta imar pa Bubujana i. Mi koronj kini tabe kakam kinkiini pa kati, ina mbulu ki tewe kembei Anutu kwoono mi toso kaljaana pizin tomtom ila sua ta tirao be tilej mi tikam ngar pa. ² Pa tomtom ta sombe Bubujana ipomboli ma iso sua pakaukaujana ta tomtom tirao be tikam ngar pa som na, ni izzo sua pizin tomtom som. Ina ni izzo sua turkenjana pa Anutu tau. Tana tomtom tilej mi tikam ngar pa som.^z ³ Mi wal ta so Bubujana ipombol zin ma tiwe kembei Anutu kwoono be tiso kaljaana pizin tomtom, ina tipombol zin tomtom, mi tiuulu ngar kizin, mi tipotor lenen. Pa sua ta tiso, ina tomtom tirao be tilej mi tikam ngar pa. ⁴ Tana tomtom ta sombe Bubujana ipomboli ma iso sua pakaukaujana ta tomtom tirao be tikam ngar pa som na, ni ipombol itunu men. Mi tomtom ta so iwe kembei Anutu kwoono, mi iso kaljaana pizin tomtom ila sua ta tirao be tilej mi tikam ngar pa na, ni ipombol lupjana ki Krisi.

⁵ Nio lelej be Bubujana ikam yom ta boozomen ma koso sua pakaukaujana. Mi lelej ilip kat be kewe kembei Anutu kwoono mi koso kaljaana pizin tomtom ila sua ta tirao be tilej mi tikam ngar pa. Pa tomtom ta sombe iso sua pakaukaujana na, bela itooro sua tana ila tomtom zitun kaljan, to ambai. Mi so som, na tomtom ta so iwe kembei Anutu kwoono mi iso kaljaana pizin tomtom ila sua ta tirao be tilej mi tikam ngar pa na, uraata kini ambai ma ilip. Paso, ipombol lupjana ki Krisi.^a

¹⁰ 13:9 1Kor 8:2+ ^y 13:10 Ep 4:13; Pil 3:12 ^w 13:11 1Kor 3:1 ^x 13:12 Mbo 17:15; 2Kor 3:18, 5:7; 1Yo 3:2; Tur 22:4 ^y 13:13 Kol 1:4+; 1Tes 1:3, 5:8; 1Yo 4:16

^z 14:2 ŋgo 10:46 ^a 14:5 Nam 11:26,29

⁶O niom toŋmatiziŋ tio, sombe aŋma mi aŋso sua pakaukaunjana ta karao be kakam nŋar pa som, inako aŋuulu yom be parei? Som. Pa bela aŋso sua pa koron pakan ta Anutu iswe mar tio, som aŋpaute yom pa nŋar pakan, som aŋwe kembei Anutu kwoono mi aŋso kalŋaana piom ila sua ta niom karao be kelen mi kakam nŋar pa, to aŋuulu yom. ⁷Kakam nŋar pa koron pakan ta kalaŋan som mi titaŋtaŋ na, kembei ta kombom mi mamaaza. Sombe titaŋ kat som, inako tomtom tiute mboe ka nŋer be parei? ⁸Mi twiiri ta tiwi be tiboobo zin tomtom pa malmal na, ta kembena. Sombe itaŋ kat som, nako tomtom tiurpe zin pa malmal be parei? ⁹Ina raraate piom. Sombe koso sua ta tomtom tirao be tileŋ som, nako tikam nŋar pa be parei? Som. Sua tiom tana ko iwe miiri men. ¹⁰Ŋonoono, tomtom ta timbot su toono na, tizzo kalŋan ndelndelŋa. Mi sombe tileŋ sua ila zitun kalŋan, na tikam kat nŋar pa ka uunu. ¹¹Tamen sombe tomtom sa izzo sua mi nio aŋute kalŋaana som, nako niamru amparre yam kembei wal ndelndelŋa. ¹²Niom tina kakam kinkiini pa uraata mi mbulu matakiŋa ta ki Bubunana i. Ina ambai. Mi kakam kinkiini kat pa uraata mi mbulu kini ta ipombolmbol lupŋana ki Kriŋi na.

¹³Tana tomtom ta so Bubunana ipomboli ma iso sua pakaukaunjana ta tomtom tikam nŋar pa som na, bela isuŋ pa Anutu be iuuli ma irao itooro sua tana ila tomtom zitun kalŋan. Naso tileŋ mi tikam kat nŋar pa. ¹⁴Nio sombe Bubunana ipombol yo ma aŋkam suŋŋana tio ila sua pakaukaunjana, ina Bubunana ta imbot la leleŋ i ta izzo sua tana. Mi nŋar tio na ikam som. ¹⁵Tana ko aŋkam parei? Bubunana ta imbot la leleŋ i ko isuŋ, mi ko aŋsuŋ raama nŋar tio tomini. Mi Bubunana ta imbot la leleŋ i ko imbo mboe pakurŋana pa Merere, mi ko aŋbo raama nŋar tio tomini.^b ¹⁶Re. Sombe Bubunana ta imbot la lelem i izuŋzuŋ mi ipakurkur Anutu, mi sombe tomtom toro ta ni ikankaana pa sua ku na imbot raama yom, inako ni irao iyok pa sua ku tana mi iso “ŋonoono” be parei? Som. Pa sua ta zzo i, ni ikam nŋar pa som. ¹⁷Ŋonoono, nu zzo sua ambaiŋana mi pakurkur Anutu. Tamen sua ku ipombol tomtom tana som.

¹⁸Nio leleŋ ambai pa Anutu mi aŋpakuri paso, aŋlip pa niom ta boozomen pa mbulu ki takam suŋŋana ila sua pakaukaunjana. ¹⁹Tamen sombe niamŋan Anutu wal kini amlup yam pa suŋŋana, na leleŋ be aŋso sua ta tomtom ta boozomen tirao be tileŋ mi tikam nŋar pa. Sombe aŋso sua lamata men ta tomtom tirao be tikam nŋar pa, ina ambai ma ilip pa sua munŋaana ma munŋaana kat (10,000) ta tomtom tirao be tikam nŋar pa som na. ²⁰Niom toŋmatiziŋ tio, kakam nŋar kembei zin pikin ndabok. Ŋonoono, koron sananŋan na, niom sombe kakam nŋar pa som kembei ta zin pikin i, ina ambai. Tamen koron ambaimbaiŋan, to kakam kat nŋar pa, kembei ta zin kolman.^c

^b 14:15 Mbo 136:1; Ep 5:19; Kol 3:16 ^c 14:20 Mt 18:3; Ro 16:19+; 1Kor 3:1; Ep 4:14+; Ibr 5:12+

²¹ Sua ki Anutu iso ta kembei: Mungu indeenje Merere keteene malmal pizin Israel na, ikam sua pizin ma iso:

Nio ko angkam lele pakaana toro ka tomtom bizin ta kaljan ndeljan na, ma timar. Mi zin ko tiwe kwoŋ mi tiso kaljoŋ pizin wal tio ti. Tamen kaljoŋ tabe wal tana tiso i, na wal ti ko tileŋ la som.^d

²² Tana mbulu ki toso sua pakaukauna ta tomtom tirao be tikam ngar pa som, inabe ipei ngar pizin wal urlaŋan som. Mi sombe zin wal ta tiurla som na tileŋ sua ta kembei, ina ikam zin ma tikankaana. Tana iswe zin kembei tiwe Anutu lene zen, mi kete malmaljana kini imbotmbot men se kizin. Mi mbulu ki tewe kembei Anutu kwoono bizin mi toso kaljaana pizin tomtom, ina iwe kilalan pizin wal urlaŋan kembei Anutu imbotmbot la mazwan. Mi zin wal ta tiurla som, na som.

²³⁻²⁴ Tana kere yom. Sombe kulup yom pa suŋjana, mi niom ta boozomen kozzo sua pakaukauna ta tomtom tirao be tikam ngar pa som na, mi sombe wal pakan ta tiurla som mi tikankaana pa Anutu na, tilela mi tigaaba yom pa suŋjana tiom, inako tire mi tiso niom kankaanajoym kat! Tamen sombe tomtom ta kembena ilela mi ileŋ tomtom boozomen ta tiwe kembei Anutu kwoono mi tizzo kaljaana ila sua ta ni irao be ikam ngar pa, inako ipei ngar kini ma ikilaala sanaana kini mi kadoono tabe Anutu ikam pini i.^e ²⁵ Pa ni ko iyamaana kembei ngar kini turkeŋan ta imbot la lelene i, ina tiswe ma imbot mat lup kek. Tana ko itop su toono, mi ipakur Anutu ma iso: “Ŋonoono kat, Anutu imbotmbot la mazwoyom.”^f

Mbulu pakan tabe takam, to suŋjana iloondo ambai

²⁶ Tana niom toŋmatizij tio, ko toso parei? Sombe kulup yom pa suŋjana, na niom tataŋa kakam uraata ikot yom. Tomtom ta, imbo mboe. Mi toro na, ni ipaute yom pa sua ki Anutu. Mi toro, ni iso yom pa koron pakan ta Anutu iswe pini na. Mi toro, ni iso sua pakaukauna ta tomtom tirao be tikam ngar pa som na, som itooro sua ta kembena ila niom kaljoym bekene keleŋ mi kakam ngar pa. Mi mbulu boozomen ta so kakam, na kakam bekene kopombol lupjana ki Kriŋi.^g

²⁷ Zin wal ta so Bubuŋana ipombol zin ma tiso sua pakaukauna na, sombe wal ru, som tel sa tiso, ina irao. Mi sombe koso sua, na niom ta boozomen kamaŋa raraate pepe. Tomtom ta iso sua kini ma imap, tona toro irao iso sua kini. Mi bela tomtom sa itooro sua kizin. Naso tomtom tileŋ mi tikam ngar pa. ²⁸ Mi sombe tomtom sa irao be itooro sua kizin som, na tiso ma kaljan biibi lela lupjana ki Kriŋi pepe. Timbot mi tisun pa Anutu la lelen men.

^d 14:21 Yesa 28:11+ ^e 14:23-24 Yo 16:8; Ŋgo 2:13 ^f 14:25 Yo 4:19 ^g 14:26 Ro 14:19; 1Kor 12:7+; Ep 4:12

²⁹Mi zin wal ta tiwe kembei Anutu kwoono be tiso kaljaana pizin tomtom na, ta kembena. Wal ru, som tel sa tiso sua kizin, to tomtom pakan bela titiiri sua kizin. Ito Anutu ngar kini, som som?^h ³⁰Mi sombe tomtom sa izzo sua, mi Anutu iswe koronj sa pa tomtom toro ta mbuleene isu ma imbotmbot, na bela tomtom mataana kana imbot munju, mi tomtom toro tana iso sua kini. ³¹Tana niom wal ta so kewe kembei Anutu kwoono mi koso kaljaana pizin tomtom na, bela kakam ta kembei: Tomtom ta, iso sua kini ma imap, tona tomtom toro iso sua kini. Naso tipaute tomtom ta boozomen mi tipombol zin. ³²Pa Bubujana isombe izeebe tomtom sa ma iwe kembei Anutu kwoono be iso kaljaana pizin tomtom, na tomtom tana irao iyaraama itunu ma imbot, mi tomtom toro iposop sua kini munju. Tona ni kadoono iso sua. ³³Pa Anutu, ni leleene be uraata kini iloondo ambai men. Kokena tomtom tiyo orooro pa sua kini. Mi ni leleene be tombot la mbulu luumujana men. Anutu wal kini potomjan ta boozomen tikamam mbulu ta kembei lela lupjana kizin.

³⁴Niom sombe kulup yom pa sunjana, na zin moori bela timaane men. Irao tiso sua pepe. Bela tikoto zitun kembei ta tutu iso na.ⁱ ³⁵Mi sombe len wijana pakan, na tila ruumu kizin to tiwi kusin bizin. Pa sombe moori sa iso sua ilela lupjana, na tere kembei ambai som.

³⁶Mi niom ta koso kozooro la kaljon na, parei? Sua ki Anutu ipet tiom munju, mana ila pizin karkari? Som niom men ta kakam sua ki Anutu?

³⁷Sombe tomtom sa iso iwe Anutu kwoono be iso kaljaana pizin tomtom, som indemeere kembei Bubujana ikamam peeze pini, na ni irao iyok pa sua ta anjeede piom i, mi ikilaala kembei ina Merere tutu kini.^j ³⁸Mi sombe tomtom sa itit sua tio ti, na ni tomini Anutu ko ititi.

³⁹Tana niom tojmatizij tio, kakam kinkiini pa mbulu ki tewe kembei Anutu kwoono mi toso kaljaana pizin tomtom ila sua ta tirao be tilej mi tikam ngar pa. Mi zin wal ta so Bubujana ipombol zin ma tiso sua pakaukajana ta tomtom tirao be tikam ngar pa som na, kepeteke zin pepe.^k ⁴⁰Mi sombe kulup yom pa sunjana, na kakam kat mbulu. Naso sunjana tiom iloondo ambai men mi indeenje.^l

Krisi imeete mi imanja pa naala kek

15 ¹⁻²O niom tojmatizij tio, nio anso anpei ngar tiom mini pa uruunu ambaijana ta ansoyaara piom ma kakan la kek na. Uruunu ambaijana tina, ta koozi kemendernder se, mi iwe zaala piom be Anutu ikamke yom. Tamen niom bela kikiskis sua ta munju ansoyaara piom na. Kokena kezem, to urlajana tiom iur nonoono som.^m

^h **14:29** Ugo 17:11; 1Tes 5:20+; 1Yo 4:1 ⁱ **14:34** 1Kor 10:32; 1Tes 5:23; 1Tim 2:11+
^j **14:37** 2Kor 10:7; 1Yo 4:6 ^k **14:39** 1Kor 12:31; 1Tes 5:20 ^l **14:40** 1Kor 14:33; Kol 2:5
^m **15:1-2** Ro 1:16+; 1Kor 3:5+; Ga 1:11+, 3:4

³Sua biibi kat ta mungu tikam pio, mi nio ankam piom ma kelej kek, ina ta kembei: Krisi, ni ikam murindi mi imeete pa sanaana kiti, kembei ta sua ki Merere iso na.ⁿ ⁴Mi titwi i ma ka aigule iwe tel pa, to Anutu ipei i ma imanga pa naala. Ina tomini ito sua ta imbot pataanga kek na.^o ⁵Mi Petrus ire kati mungu, to nangaj kini pakan tire i.^p ⁶To aigule ta na, ipet kizin tonmatizij kiti 500 mi kwoono, mi tire i lup. Wal tana, kizin boozomen ta timbotmbot men i. Mi tomtom kizin tataja, na ra, timetmeete kek. ⁷To ni ipet ki Yems, mana ipet kizin ngojana ta boozomen.^q ⁸Mi ta imap pa na, ipet tio tomini mi agre kati. Nonoono, zaala ta anwe ngojana pa i, ina ipa ndel pa zaala kizin ngojana pakan.^r ⁹Nio ankemer kat pizin ngojana ki Krisi. Mi nio ambainoj be zoj pa uraata ki ngojana na som. Pa mungu anseseeze Anutu wal kini matan.^s ¹⁰Mi kampejana ki Anutu, ta itoro yo ma anwe kembei. Mi kampejana kini tana iwe koroj sorok som. Iur nonoono. Pa nio anbel uraata ma anlip pizin ngojana pakan. Mi nio som. Kampejana ki Anutu, ta imbotmbot raama yo mi ipombolmbol yo ma ankamam uraata.^t ¹¹Tana nio, som ngojana pakan, sombe amkam sua pizin tomtom, na amzzo sua ta tina. Mi ina sua ta mungu kelej mi kuurla na.

Anutu ko ipei zin wal urlagan ma timanga mini pa naala

¹²Gorgori na, amzoyaryaara sua ta kembei: “Anutu ipei Krisi ma imanga pa naala kek.” Kena parei ta tomtom tiom pakan tizzo sua kankaanajana ma tiso zin meetenjan tirao be timanga mini som? ¹³Kere. Sombe sua kizin tana nonoono, mi zin meetenjan tirao be timanga mini som, na Krisi tomini, Anutu ipei i ma imanga som. ¹⁴Mi sombe Anutu ipei Krisi ma imanga som, na sua ta amkamam pizin tomtom, ina koroj sorok. Mi urlajana tiom ta kembena. Ina koroj sorok. ¹⁵Mi tina men som. Sombe Krisi imanga pa naala som, na niam taingi wal pakamkaamjoyam. Paso, ampombolmbol sorok sua pakaamjana pa Anutu, mi amzzo ni ipei Krisi ma imanga pa naala kek. Tamen sombe sua tiom tana nonoono, mi zin meetenjan tirao be timanga mini som, na Krisi tomini, Anutu ipei i ma imanga som.^u ¹⁶Anso mini. Sombe zin meetenjan tirao be timanga mini som, na Krisi tomini, Anutu ipei i ma imanga som.^v ¹⁷Mi sombe Anutu ipei Krisi ma imanga som, na urlajana tiom koroj sorok, mi niom kombotmbot men raama sanaana tiom. ¹⁸Mi zin wal ta tiurla ki Krisi mi timetmeete na, zin tomini tila len kek.^w ¹⁹Iti tu'urur matanda pa mangajana kizin wal meetenjan mi mbotjana ki kar saamba

ⁿ 15:3 Yesa 53:5+; Ga 1:4,12; 1Pe 2:24 ^o 15:4 Mbo 16:8+; Lu 24:26,46 ^p 15:5 Mk 16:14; Lu 24:34+; Yo 20:19 ^q 15:7 Ijo 1:3+ ^r 15:8 Ijo 9:3+; 1Kor 9:1 ^s 15:9 Ijo 8:3, 9:1; Ga 1:13; Ep 3:8; 1Tim 1:13+ ^t 15:10 Ro 15:18+; 1Kor 3:10; 2Kor 11:5,23; Pil 2:13
^u 15:15 Ijo 2:24,32+, 4:33, 5:32, 13:30 ^v 15:16 Ro 8:11; 1Tes 4:14 ^w 15:18 1Tes 4:14

tabe Krisi ikam piti i. Tamen sombe mbotjana tana koronjonono som, mi urlajana kiti iuluulu iti pa mbotjana kiti ta ki toono men, na ra, tembel ti kek. Wal ta boozomen ko lenen isaana piti ma ilip kat.

²⁰Tamen som! Pa Anutu ipei Krisi ma imanga pa naala kek. Ni ta iwe mataana pizin wal meetegan tabe timanga pa mbenj kaimer i.^x

²¹Kere. Mungu tomtom tamen ta iwe zaala pa meetejana ma ipet.

Mi ina raraate pa mangajana kizin wal meetegan. Tomtom tamen ta iwe zaala pa.^y ²²Koozi, tere iti tomtom ta toyooto pa Adam na, tamap ma temetmeete. Mi zin wal ta tisekap la ki Krisi i, na kaimer Anutu

ko ipei zin ta boozomen ma timap timanga matan yaryaara. ²³Tamen tomtom ta boozomen bela tito nol kizin kizin. Krisi imanga mungu. Pa ni ta iwe mataana. Mi talala ma sombe ni imiili ma imar, tona zin wal kini kadoono timanga.^z ²⁴Tonabe toono swoono ipet, mi ni ipambiriizi koronjonan ta bibip, mi mburanjan, mi zangan na, ma tila len lup.

Mi ipimiili koronjon boozomen ta ni ikamam peeze pizin na, ma tila ki Tamaana Anutu mini. ²⁵Pa ni bela ikamam peeze ma irao ikoto ka koi bizin ta boozomen ma mburan imap kat, mi kumbuunu ise nguren.^a ²⁶Mi ka koi kaimer kana kat tabe ni ipambiriizi i ma ila lene i, ina meetejana.^b

²⁷Sua ki Anutu iso ta kembei: Anutu ko ikoto koronjon ta boozomen, mi iur zin ma timap timbot la Krisi kopo mbarmaana. Jonono, sua ti iso koronjon ta boozomen ko timbot la Krisi kopo mbarmaana. Tamen iti tuute: Tamaana itunu, nako imbot la Krisi kopo mbarmaana som.^c ²⁸Sombe Anutu ikam uraata tana ma imap, mi koronjon ta boozomen timbot la Krisi kopo mbarmaana lup, tona Lutuunu ko iur itunu ma imbot la Anutu kopo mbarmaana. Naso Anutu imboro koronjon ta boozomen, mi koronjon ta boozomen timap ma tito kat ni leleene.^d

²⁹Lak, sombe niom kuurla kembei zin meetegan tirao be timanga mini som, na parei ta wal tiom pakan tikamam yok be tiulu zin wal meetegan? Sombe sua tiom tana jonono, na kakamam mbulu tana paso? ³⁰Mi niam tomini, sombe sua tiom tana jonono, na parei ta mazwaana ta boozomen ambadbaada sorok patajana pa Krisi zaana, mi amurur ituyam ila zaaba kwoono?^e

³¹O niom tojmatizij tio, niom ta kakam yo ma nij ise paso, uraata tio iur jonono piom ma kewe Merere kiti Yesu Krisi lene kek. Mi anjo kat sua jonono piom ta kembei: Aigule ta boozomen, nio ajute som: Ko anjbot, som anjmeete?^f ³²Kere. Sombe anjo ngar soroksorok kizin tomtom men pa uraata ta anjamam i, na uunu parei ta anjem itu mi niamjan

^x 15:20 Hgo 26:23; Kol 1:18; 1Pe 1:3; Tur 1:5 ^y 15:21 Yo 11:25; Ro 5:12+

^z 15:23 1Tes 4:15+; Tur 20:5 ^a 15:25 Mbo 110:1; Mt 22:44

^b 15:26 Tur 20:14, 21:4 ^c 15:27 Mbo 8:6; Mt 28:18; Ibr 2:8; 1Pe 3:22 ^d 15:28 1Kor 3:23; Pil 3:21 ^e 15:30 Ro 8:36; 2Kor 11:26 ^f 15:31 Ro 8:36; 2Kor 4:10+

zin buzur sanjanjan amporou su kar Epesus. Anjaada sorok patanjana tana paso? Sombe zin wal meetenjan tirao be timanga mini som, na tongo. Takanan ma tiwinin mi turu lende mboti ambaijana isu toono. Pa gaaga, malama, to temetmeete.^g

³³Wal pakan tipandelndel yom ndabok! Motoyom ingal ituyom. Tomtom ambaijana sa isombe igaaba zin wal sananjan, inako tikeske i ma ni tomini, mbulu kini isaana. ³⁴Niom katalli irao. Kakam kat ngar mi kezem mbulu tiom sananjan. Koyom mianj som? Pa nio anso kat yom ta kembei: Tomtom tiom pakan, zin tiute Anutu risa som kat.^h

Sombe zin meetenjan timanga mini, nako kulin pareijan?

³⁵Tomtom sa ko iwi yo ma iso: “Sombe Anutu ipei zin meetenjan ma timanga mini, nako ka zaala parei? Mi so timanga, nako kulin pareijan?”

³⁶Nu kankaanajom! Sombe tapaaza koronj sa, na bela koronj tana isula toono ma kuliini tana ibuuzu, tona ipiyooto popojana ma ise.ⁱ

³⁷Mi sombe tapaaza kini wit, som koronj toro sa ta kembei, na putuunu ta tapaaza na, runguunu raraate pa popojana ta ise pa kaimer i som.

³⁸Pa Anutu ikam ma kini iweniwen mi koronj putunputun tipiyotyooto namannaman ma runrun ma ngonon matakija. Tito ni itunu leleene tau.

³⁹Koronj ta timbotmbot su toono na, rungun ndelndelja. Iti tomtom, rungundu ta. Mi zin mbili ma buzur na, rungun toro. Mi man na, rungun toro. Mi ye ta kembena, rungun toro.

⁴⁰Koronj ta timbotmbot na, pakan ki toono, mi pakan na koronj saamba kan. Koronj saamba kan tipa ndel pa koronj toono kan. ⁴¹Mi zonj azunja kini ipa ndel pa puulu. Mi pitik ta kembena. Azunja kizin ipa ndel pa zonj ma puulu. Mi pitik ta boozomen raraate som. Pitik pakan, azunja kizin ilip.

⁴²Ina raraate men pizin wal meetenjan tabe timanga i. Sombe titwi iti ma tusula toono, na kulindi ibuuzu. Mi sombe Anutu ipei iti ma tamanga mini, inako ikam lende kulindi toro. Kulindi popojana tana ko irao isaana na som.^j ⁴³Kulindi ta titwi sula toono, ina koronj sorok. Tamen kaimer, sombe Anutu ipei iti ma tamanga mini, inako kulindi ndabokjana kat mi ka azunja biibi. Kulindi ta titwi sula toono na, mburaana biibi som. Mi so Anutu ipei iti ma tamanga mini, inako mburanda biibi.^k ⁴⁴Mi kulindi ta titwi sula toono na, koronj ki toono. Mi sombe Anutu ipei iti ma tamanga mini, inako kulindi ambai pa mbotjana tabe takam su kar saamba i.

⁴⁵Sua ki Merere iso ta kembei: Adam, ta tomtom mataana kana na, Anutu iuri ma imanga mataana iyaryaara. Mi Adam kaimer kana^l na,

^g 15:32 Ijgo 19:23+; 2Kor 1:8 ^h 15:34 Ro 13:11+; 1Kor 6:5; Ep 5:14; 1Tes 4:5

ⁱ 15:36 Yo 12:24 ^j 15:42 Mt 13:43 ^k 15:43 Pil 3:20+; Kol 3:4 ^l 15:45 Adam kaimer kana na, Krisi tau. Mi ves 47 ipaati be Adam ta iwe ru pa na.

ni bubujana ta irao ikam ti ma tombot matanda yaryaara.^m 46 Tana mbotjana ta ki Bubujana i tabe takam su kar saamba, ina imuungu som. Pa mbotjana ki toono ta ipet mungu, mana mbotjana ta ki Bubujana i. 47 Adam mataana kana na, Anutu imbuuzi pa toono. Tana ni tomtom toono kana men. Mi Adam ta iwe ru pa na, ni imar pa kar saamba.ⁿ 48 Wal toono kan na, zin kembei tomtom ta Anutu imbuuzi pa toono na. Mi zin wal tabe tila pa kar saamba i, nako tiwe kembei Ni ta imar pa saamba na. 49 Ingi iti rungundu ma mbotjana kiti kembei tomtom ta ipet pa toono na. Mi kaimer, nako rungundu ma mbotjana kiti iwe kembei Ni ta imar pa saamba na.^o

50 O niom tojmatizij tio, nio anso kat piom ta kembei: Kulindi ta ki toono ti, ina irao be ikam mbotjana ta ki kar saamba i na som. Bela itoori, to irao ikam mbotjana tana. Pa kar saamba ramaki ka koronj ta boozomen na, tizanzaana som. Tana koronj ta izanzaana i, ina irao ikam mbotjana ta ki kar saamba i na som.^p

Meetejana mburaana kola imap

51-52 Kelenj. Ingi be anso yom pa koronj ta mungu ike, mi ingi Anutu iswe ma ipet mat kek. Iti ta boozomen ko temetmeete som. Paombe mberj kaimer ipet, mi twiiri kaimer kana itanj, nako bil pa tamen mi Anutu itooro iti lup. To zin meetejan ko timanga raama kulin munjana ta irao isaana mini som. Mi iti ta matanda yaryaara i na, Anutu ko itooro iti tomini.^q 53-54 Pa kulindi ta izanzaana ma imeete i, bela itooro ma iwe koronj ndabokjana ta irao isaana mini som. Mi bela iwe koronj mata yaryaaranjana ta irao imeete mini som. Mbulu tana iso ipet, to Anutu sua kini iur nonoono. Sua ta kembei: “Anutu, ni ilip kek. Pa ipambiriizi meetejana ma imap kat.”^r

55 O meetejana, mburom ingoi? Nu rao lip na som!

O meetejana, nu lem izi ingoi tabe ngal zin tomtom pa i? Som.^s 56 Pa izi ki meetejana na, sanaana. Mi sanaana ikamam mburaana la ki tutu.^t 57 Tamen iti tapakur Anutu mi lelende ambai pini! Pa Merere kiti Yesu Krisi ndomoono piti, tana ni ikamam ti ma tilip lip pa zin koronj tana.^u

58 Tana niom tojmatizij tio ta lelenj piom ilip na, kemender mboljana. Kezem kosa sa ma itok yom pepe. Mi motoyom sijsij pa uraata ki Merere pa mazwaana ta boozomen. Pa niom kuute: Uraata ta kakamam pini na, kakamam sorok som. Kola iur nonoono.^v

^m 15:45 Un 2:7; Yo 5:21, 6:33,39-54,63; Ro 5:15+ ⁿ 15:47 Un 3:19; Yo 3:13,31

^o 15:49 Un 5:3; Ro 8:29+; 1Yo 3:2 ^p 15:50 Yo 3:5+ ^q 15:51-52 Mt 24:31; Pil 3:21;

1Tes 4:15+ ^r 15:53-54 Yesa 25:8; 2Kor 5:4; Ibr 2:14+; Tur 20:14 ^s 15:55 Hos 13:14

^t 15:56 Un 3:3; Ro 3:19,20, 4:15, 5:12+, 7:5,13 ^u 15:57 Ro 8:37; 2Kor 2:14; 1Yo 5:4+

^v 15:58 1Kor 3:8; 2Pe 3:14; Tur 14:13

**Paulus iso pa pat tabe zin Korin tiyogeege pa wal
ki Krisi ta timbot ŋoobo su Yerusalem na**

16 ¹Ayo, nio leŋ sua ri pa pat tabe koyogeege pa Krisi wal kini potomŋan ta timbot ŋoobo su Yerusalem a. Zaala ta nio aŋur pizin lupŋana ki Anutu ta timbot lele pakaana ki Galesia na, niom tomini irao koto.^w ²Wik ta boozomen, aigule mataana kana iso ipet, na niom tataŋa bela ku'urur pat tiom pakan ta kakam pa wik tana na ila lae. Naso ipet ma iwe boozonjana. Beso aŋma to aŋkam men. Kokena kakam ta kembei som, mi aŋma to aŋbobobo yom pa. Ina ambai som.^x ³Sombe aŋma, to ituyom kuur wal pakan ta kere zin kembei tirao na, be tikam pat tana ma ila pizin Yerusalem kan. Mi nio ko aŋbeede sua sotaaraŋana pakan pa wal tana be tikam mi tila raama. ⁴Mi sombe aŋre kembei ambai be nio tomini aŋla, nako niamŋan mi amla.

Paulus isombe ila ma ire zin Korin

⁵Iŋgi nio aŋso aŋla aŋre zin Masedonia kan. Tana ko aŋla aŋre zin muŋgu, tona aŋma ma aŋre yom. ⁶Mi aŋso ko itiŋan tombotmbot ma moloŋana ri. Tana ko aŋbot tiom ma irao gorgor ki lomoŋana imap, tona niom irao kere yo pa pai tio, mi kuur yo ma aŋla pa lele swoi tabe aŋla pa i. ⁷Tana sombe Merere leleene, na nio leleŋ be itiŋan tombotmbot ma moloŋana ri. Pa leleŋ be aŋlou yom men mi aŋla pepe. ⁸Tamen ko aŋbot men su kar Epesus ti muŋgu ma irao lupŋana biibi ki Pentekos. ⁹Pa iŋgi Merere ikaaga kat kataama pio be aŋkam uraata biibi isu kar ti. Mi uraata tio iurur ŋonoono. Tamen wal booZo tizorzooro yo tomini.^y

Paulus isotaara zin pa Timoti mi Apolos

¹⁰Sombe Timoti ima ma ipet tiom, na kere be kakami ma leleyom ambai pini. Kokena imoto. Pa ni ikamam uraata ki Merere kembei ta nio i.^z ¹¹Tana tomtom sa mata pasomi pepe. Mi sombe imaŋga mini pa pai, na ku'uuli. Naso ila raama leleene ambai, mi imiili ma imar. Pa nio iŋgi aŋzza i mi toŋmatiziŋ kiti pakan.

¹²Mi toŋmatiziŋ kiti Apolos na, nio aŋpombolmboli be ziŋan toŋmatiziŋ kiti pakan tima ma tire yom. Tamen ni leleene be ima ta buri i som. Mi ko ire le mazwaana sa, to ima ire yom.

^w 16:1 Iŋgo 24:17; Ro 15:25+; 2Kor 8:1–9:15 ^x 16:2 Iŋgo 20:7 ^y 16:9 2Kor 2:12; Kol 4:3; Tur 3:8 ^z 16:10 1Kor 4:17

Sua pemetņana

¹³ Motoyom izze, kemender mbolņana, mi kikiskis urlaņana tiom. Mi kaparaama ma tuņ mi kombotmbot.^a ¹⁴ Mi mbulu tiom ta boozomen bela iswe kembei ku'urur leleyom pizin tomtom.^b

¹⁵ Niom kuute: Setepanas ziņan wal kini, ta tiwe mataana piom Akaia koyom ma tiurla. Mi zin tizem kat zitun pa Anutu wal kini potomņan mi timbesmbeezee pizin.^c ¹⁶ Wal ta kembei, ziņan wal boozomen ta tigabgaaba zin mi timbelmbel uraata pa Merere na, aņso aņpombol yom be kombot la kopon mbarman, mi keleņ la kalņan.^d

¹⁷ Indeeņe Setepanas ma Portunatus mi Akaikus timar tipet tio na, tikam yo ma tau leleņ ambai kat. Pa tikam niom Korin ruņguyom, mi timar ma tiuulu yo. ¹⁸ Tana zin tikam yo ma leleņ ambai, kembei ta tikam yom tomini ma leleyom ambai. Wal ta kembei na, kapakur zin.

¹⁹ Lupņana ki Kriši ta timbot pa lele pakaana ki Asia ti na, tikam aigule kizin piom. Mi Akwila ma Prisila ziņan wal ki Kriši ta tiluplup zin pa suņņana lela ruumu kizin na, zin tomini tikam aigule piom pa Merere zaana.^e ²⁰ Mi zin toņmatiziņ ki Kriši ta niamņan ambotmbot i na, zin ta boozomen tikam aigule kizin piom tomini.

Niom ta boozomen toņmatiziņ ki Kriši. Tana leleyom ambai par piom mi kaparteege nomoyom.^f

²¹ Iņgi nio Paulus ituņ ta aņbeede sua tiņgi. Aņkam aigule tio piom.^g

²² Sombe tomtom sa leleene pa Merere som, na Anutu kete malmalņana kini ko imbotmbot se kini.

O Merere, mar lak!

²³ Kampeņana ki Merere Yesu ko ise tiom.

²⁴ Mi nio aņso piom ta kembei: Itiņan Yesu Kriši tulup ti ma tewe tamen kek, tana nio leleņ piom ta boozomen.

^a 16:13 Mbo 31:24; Ep 6:10; Pil 1:27; Kol 1:11; 1Tes 5:6 ^b 16:14 1Kor 14:1;

1Pe 4:8 ^c 16:15 1Kor 1:16 ^d 16:16 Pil 2:29; 1Tes 5:12; 1Tim 5:17; Ibr 13:17

^e 16:19 Iņgo 18:2,18,26; Ro 16:3,5 ^f 16:20 Ro 16:16 ^g 16:21 Kol 4:18; 2Tes 3:17